

E

39.



BIBLIOTHECA
UNIV. JAGELL.
CRACOVENSIS


KUL.KOMP.

394364


Mag. St. Dr.

III









~~Three Pillars against~~



10263
III

HISTORICO-PHILOSOPHICA DESCRIPTIO

PICTURÆ NOVÆ

BIBLIOTHECÆ FORNICI INDUCTÆ
IN

CANONIA STRAHOVENSIS

CANONICORUM PRÆMONSTRATENSIVM PRAGÆ IN
MONTE SION

AB

ANTONIO MAULBERTSCH,
ACADEMIÆ ARTIUM VINDOBONENSIS ET BEROLINENSIS SODALI,
CURA ET IMPENDIIS

WENCESLAI JOSEPHI MAYER,
ABBATIS SIONEI ET MILOVICENSIS, REGII ELEEMOSY-
NARI, ET INCLYTI REGNI BOHEMIÆ
PRÆLATI.

PRAGÆ,

TYPIS VIDUAE ELSENWANGER, FACTORE ANTONIO PETZOLD, 1797.

LIBRARY

527

CRAEUVILLE

394364

III

st. Dr. 2016 D. 252. 19 (185)



J. Borck del. et sc. P. Pagan.



GRADUENSIS



RATIO OPELLÆ.

Quemadmodum eorum regnorum constitutio, in qua scientiarum cultus, & promovendarum studium desideratur, cum flore illorum, ubi hæ domicilium fixere suum, vix ac ne vix quidem in comparationem venire audet, ita vicissim, si scientiæ tam librorum supellectile, quam Mæcenatum opera non adjuventur, sibi similes constare vel non poterunt, vel saltem majora nequibunt capere incrementa.

Omnibus propterea sæculorum temporibus laude dignissimum habebatur conamen eorum, qui in erigendis Bibliothecis operam, & studium collocavere suum, non ignari, quod illustrium virorum tumultus esset orbis universus, neque id dome-

domesticorum tantum saxonum testetur inscriptio, sed etiam
sine literis in exteris gentes egressa memoria, majusque apud
animum cujusque, quam apud urnas, commoretur.

Bibliothecarum enim erectione augustissima musis templis
eriguntur, cognitionum humanarum series, ordoque conser-
vatur, irrumpentibus ignorantiae tenebris omnis tollitur oc-
casio, & humani intellectus in diversum sciendi genus impen-
sa molimina, hic, tanquam in illis admirandis Aegypti mau-
solæis, immortales animorum in unum collectæ servantur re-
liquæ, summo posteritatis emolumento usurpandæ.

In Bibliothecis porro vivunt homines illi superstites sibi, hic
loquuntur, & tacent — hic audiuntur, & silent, hic intelliguntur,
& muti respondent. (P. Labbe) *Libri quippe*, Patrarcha teste,
medullitus delectant, colloquuntur, consulunt, & viva quadam no-
bis atque arguta familiaritate junguntur; neque solum sese lecto-
ribus quisque suis insinuat, sed & aliorum nomen ingerit, & alter
alterius nomen facit. Hic denique locus ille unus est, cuius
conspectu scioli medullitus terroristur, & nugivenduli tacite,
profiteri coguntur — quantum — est, quod nescimus!

Hisce nihilominus insignibus prærogativis non obstanti-
bus Bibliothecæ etiam præstantissimæ omni carebunt emolu-
mento, si hæ non in studium, sed in spectaculum solum com-
paren-

parentur, si etiam inter balnearia & thermas, quasi necessarium domus ornamentum, expoliantur, ut suo jam tempore monuit Seneca; siquidem tales inutile pondus, & vanum ornamentum haberi necessum est.

Bibliotheca tamen regiæ Canoniæ Montis Sion, supra Pragam minorem recens erecta, priori jam utcunque amplæ conjuncta, nunc vero usui publico destinata, si præcipuis musarum palatiis accenseretur, nemo facile invidebit, quisquis illius selectiorum librorum copiam, quæ pretium internum efficit, quam adparatum exteriorem, qui ejusdem magnificentiam constituit, consideraverit.

Istam etenim, Ordinis præmonstratensis Canonia Strahoviensis sub WENCESLAO JOSEPHO MAYER, Regis Bohemiæ Eleemosynario, Regni Prælato, Abbe suo hujus nominis secundo (sit hic nobis primus! —) tantis istius curis & expensis, ad hunc, quem cernis, perfectionis & magnificentiæ gradum, omnibus feliciter superatis obicibus, perduxit; Religioni, rei literariæ bohemæ, totiæ patriæ nostræ, hujus quidem in usum & ornamentum, Sioneorum vero ampliorem in profectum devovit, atque non tam nominis sui famam viventibus & posteris, quam vel maxime successoribus suis exemplum relinquere voluit tantum, ut suis deesse partibus non possint,

quin

quin opus hoc celebre, porro, deincepsque, omni, quo possint,
modo adjuvent, promoveantque.

Scivit quidem, atque optime novit Abbas noster Reve-
rendissimus suorumdecessorum insignes solicitudines & curas
in penum librariam prioribus jam sæculis insumtas, sicut etiam
quæ fata subierint, tam turbulentis bellorum, ac tumultuan-
tium Hussitarum, quam etiam aliis temporibus; quæ univer-
sæ reipublicæ literariæ vulnera illata sint, ita longa annorum
serie cicatrices non ocaluerint, & damna inde orta resarciri
potuerint vix alio modo, quam si bona arriperetur occasio,
selectu librorum hinc inde coemto, ista compensandi.

Evenit etiam feliciter, ut priori utcunque amplæ &
insigni collectioni bonus numerus operum præstantissimorum
partim a Clauzero, partim ab Heidlio, denique a Riegero
de Bohemia, universaque Literatura optime merito, tum
quoque ex innumeris auctionibus, etiam exteris e provinciis,
brevi hic, brevi illic institutis, coemerentur, reliquoque ap-
paratui adjungerentur; quorum copia exiguo tempore ita
accrevit, ut locus prior, etiamsi trino sibi succederent con-
tinuo ordine libri, recipiendis non sufficeret amplius. Hinc
necessario fieri oportuit, ut de loco toti huic continuo cres-
centi librorum apparatui capaciore provideretur.

Pro-

Providit omnino; & ut omnibus, singulisque hospitibus
commodior pateret accessus, ne per claustra Canoniae, cum
disciplinæ domesticæ institutione aditus pugnaret, Propy-
leum, quod ad templi sinistram visitur, erigebatur, aptaba-
turque, & fere usque ad finem deductum erat, cum ecce alia
se obtulit occasio novum hoc ædificium exornandi. Siqui-
dem armaria librorum longe majoribus, quam dici possit,
sumptibus, uti splendide ita artificiose exstructa, auro fere ad
profusionem ornata, reductæ ad Znoymam Lucensis Abatiæ
venalia erant, sed & tantæ emendi difficultate implicita, ut
animis quisque caderet, & spem illa possidendi inter *aduvata*
haberet.

Nihilominus fraterno, quo in Canoniam Lucensem or-
dinis sui ferebatur amore, simul etiam ne tam sumptuosum
opus penitus destrueretur, superavit obices omnes & obsta-
cula, in urbis Pragenæ ornamentum, suæ Canonie sione redi-
dit propria, e Moravia magnis impendiis ad nos translata,
utque Bibliothecæ hic novæ adaptarentur, & simetria arma-
riorum inter se & cum ædificio prorsus consentiret, muros
& fornicem in altius evehi curavit.

Verum particularis hic ornatus, elegantiaque solum ex
parte obtinuisset, & nunquam pulchritudo integralis extitif-

set, nisi etiam totus fornix, ut reliqua exigebant, exornarentur. Ultimam igitur manum etiam huic pretioso operi constituit imponendam, & quamvis non nesciret, Patriam nostram, alias tot in arte pictoria Magistrorum matrem & altricem, non possidere amplius Sadeleros, Polzios, Sprangeros, Heinzios, Sarerios & innumeros alios viros penicillo suo celebres nominatissimosque, qui Maximiliani II. & Rudolphi II. Cæsarum, Regumque nostrorum Bohemiæ temporibus floruerunt, vix etiam Scretas, Kilianos, Lisskas, Reineros, Branderos, Braunios, Procopios, iisque similes reperiri; tamen ut Bohemiæ Strahoviensis, sicut Moraviæ Lucensis Canonia a Maulbertschii Vindobonensis artium Academiæ, Berolinensisque sodalis, quam per celebris pictoris, tam viri integerimi, penicillo illustraretur, ex historia potissimum religionis, scientiarumque propagatarum, ac Chronicō mundi themate desumpto, curas omnes adhuc dum non ultimas, impedit Abbas MAYERUS, cuius memoria hic erit perennis.

Hujus picturæ descriptionem in sequentibus ita damus, ut quilibet gnarus sententiam ferre possit, utrum veros philosophiæ aliarumque scientiarum fontes in eorum characteribus dandis secuti fuerimus; ii vero, qui in studiorum semita eousque non pertigerunt, habeant, unde edoceantur, nosse
que

que discant, qui Philosophia scientiæque reliquæ continua sæculorum serie in— & decreverint; denique religionis, cultusque divini necessitatem, primordia, ejus progressum, virtutum quoque assymbola, ceu ad æternæ sapientiæ usque agnitionem, veræque felicitatis consecutionem media, contemplentur.


Hanc, quam in medio pavimenti Bibliothecæ spectas e caro marmore nitide effictam, & ad omnes artis statuariæ regulas compositam effigiem (sic enim oculos, sic ille genas, sic ora ferebat modulus, ab Academia artium vindobonensi submissus, secundum quem artis statuariæ magister non incelebris *I. Leiderer* noster, præsentem atome efformavit) est Augusti Romanorum Imperatoris, Hungariæ, Bohemiæque Regis FRANCISCI II. quam pietate & religione in Deum, in suas sibi subditas nationes, & regna, tam constantia rebus in arduis nulli secundi ! *legis & fidei* simbolo, quod verbo opereque ad amissim exequitur, omni deinceps seculorum memoria celebrandi Patriæ Patris !


Qui novit : sicut ad imperia evertenda nihil esse impietate violentius, ita vicissim ad eadem conservanda, nihil esse pie tate robustius ; qui intelligit: quod nullo freno flectatur facilius, quam religione, ac Numinis reverentia, populus, quia si


hanc ejecerit, nulla humāna lege contineri potest; sic enim humana sunt divinis aut nexa, aut obligata, ut illa, est si non quæras, per ista obtineas; nihil etiam perditur, quod Superis offertur; his enim multa si dantur, plura recipiuntur; certant si quidem cum nostra liberalitate, & quia plus possunt, nos vincunt. Hac igitur fide in Deum, hac fide in populos, & sui jurisjurandi Sacramentum—maluit: ut novissimo ac funestissimo omnium bellorum finem imponeret, de suis amittere ditionibus aliquas, ut germanico Imperio servaret integras, & si posset, etiam universas; mirumne? hæc etenim jam exinde Austriæ Principum receptissima erat indignatio, ut gravibus offensis suis, bene merendo obviare, ne meminerint injuriarum, beneficiis tegant; illud sectari vindictæ genus, quod sibi innocuum, hostibus immane,—utrisque gloriosum. Sed manum de tabula! quis enim laudum FRANCISCI II. summam inveniat, cum omnium laudum *Illi*s sit maxima: nolle laudari, & laudabilem esse! mereris laudes omnes, dum omnes rejicis, & quisquis hoc dixerit de *Te*—dicet laudes *Tuas*, dum de illis tacebit.



CONSPEC-







CONSPECTUS I^{mus}.

Portæ principis in ingressu librariæ Aulæ, Canoniæ Strahovienfis regiæ, dexter inspiciendus est primum fornicis insigniter pœti angulus, in quo videndus datur divina manu effectus primus homo, parens, caputque

I^{mo}. ADAMUS; a) ad stybolatam opere plastico constructam confidens, vultumque manibus tegens; situ nempe hoc, pro conjugé sua peccati causam quasi misere indicans, ex eo: quod homo uxorius plus displicere fœminæ

a) Adamum primum fuisse Philosophum, in quo non infans, sed adulta Dei munere cooperit philosophia, profecto iis est assentiendum, qui sentiunt: Sapientiam una cum humano genere ante diluvium propagatam ab eodem parente & Magistro Adamo fuisse. Fuit olim apud Græcos hæc sapientia, quæ philosophiæ nomine venit Bruckero.

Tom. I. pag. 434.

Publica privatis secernere sacra profanis,

Concubitus prohibere vagos, dare jura maritis,

Oppida moliri, leges incidere ligno. Horat. in arte poet.

Quæ utinam nunquam ita degenerasset, ut ejusmodi protulisset Philosophos, de quibus Aul. Gell. lib. 17. *factis procul, verbis tenuis;* dignos profecto, quibus occineret Paccuvius: *ego odi homines ignava opera, & philosopha sententia.* Atqui illud est, de quo nemo dubitet: Adamum posteros in societatem vitæ convocasse, eos primum domiciliis junxisse, sacra prophanis secrevisse, quod nisi liceat e libris sacrī conjicere, alteri e libris græcis, modum conjiciendi nunquam libeat facere.

Quodsi



minæ sibi subditæ, quam Conditori suo vereretur; culpam enim, ut notum est, statim excepit pœna, siquidem nudum se, egentemque illico agnoverit, ac veluti cum pravis animi motibus, domesticis hostibus, malum se & miserum, malorum & infortunatorum progenitorem deploraret.

Ad lævam Adami

- 2^{do}.** EVAM; sibi datam comparem & adjutricem (fatale pomum ostendentem, & quasi e latere prospicientem) intueberis.

Suos infra progenitores in opere illo plastico, duos non multum post lapsum in lucem editos filios

- 3^{to}.** CAINUM & ABELUM, heu quam institutis & moribus dissimillimos; & quidem Abel (uterque enim ex institutione paterna Deum sacrificio venerari, adorareque docti) pro sua erga Numen optimum maximum adorationis & oblationis sinceritate viætmas selectas offerens, adoransque conspicitur; holocausta Deo placita fumus recta cœlum petens indicat. Quæ cum Cainum (qui teste sacro codice manipulos districtos, ac pæne sine granis, viætmasque macilentas offerre solitus erat) graviter pupugerit Dei in Abelem amoris significatio; hinc torvo vultu, minitanite pugno, rancorem significantem, quem corde alebat, & vindictam proxime sumendam spirantem, probe expressit Maulbertschii penicillus; prout nempe desperatus & amens deinceps totius corporis inusitato tremore fratricidii pœnas tulit, factus caput & princeps impiorum ac damnatorum.

CONSPECTUS II.

In alteram fornícis partem orientalem supra fenestram primam spectator abi, & eos, quos velatis capitibus, lapides post tergum jacientes vides

I^{mo}.

Quodsi quisquam quærat: quid? illine primi mortales, quorum vel vitia, vel virtutes eximiæ sacræ literis sunt proditæ, ista gloria ac præpotenti philosophia eruditæ fuerint? grāce eos philosophatos fuisse, non hercule opinandum est! at sapientes ita fuisse: ut principia veri bonique haberent, cognitiones bene multas ad illa ipsa exigenter, omnino persuaderi potest.



1^{mo}. DEUCALION & PYRRHA est. b)

2^{do}. Turbam vero hominum diversis vultibus, gestibusque mores & affectus diversos prudentem, atque ex his lapidibus prognatam ita accipe:

Sicut enim in *Deucalione & Pyrrha* homines beneficentia pleni, & omnis boni solliciti, generisque humani emolumenti studiosissimi designantur; ita nihilominus a primis jam mundi incunabulis factum est, ut mortales sua forte non contenti primævis mox societatis initis, nec unam sibi propositam vivendi normam sequi voluerint; verum alii in aliud vitæ genus, tum etiam religionis exercendæ studium normamque abierint. Opinionibus igitur invicem distracti, quasi inter se dimicarent, expressi sunt.

3^{tio}. Remotioribus illis, obscurioribusque montium catenis ignorantia, & obcaecatio intellectus, peccati poena indigitatur.

4^{to}. Templum demum, quod cum altaribus hinc inde sparsis visitur, indigitat; nullam unquam ætatem, nullam gentem etiam ferissimam exstitisse, quæ Deum dari, colendumque esse, arbitrata non fuisset.

CONSPECTUS III.

Quemadmodum autem Deum natura esse indicabant, & ratione cognoscebat satis recte; ita perversitate vulgi, & impia jam tum philosophandi ratione, dum de Cosmogonia sine testimonii divini & luce & auctoritate multi differuissent, fieri debuit, ut vim naturamque divinam male animo informarent, atque ita naturæ soli nimium adhærentes, credulique, eadem non satis perspecta, errores hinc innumeros producerent.

Hæc & similia expressit *Maulberthschius*, cum

I^{mo}.

b) De quibus ex historia hoc nobis notum: cum ad Parnassum in Hellade aquæ terras obruiissent, multosque mortales sustulissent, hic ipse *Deucalion & Pyrrha* ejus conjux, parnassi homines duros & sylvestres ad certas nuptias, cultiusque vivendi genus traduxerunt. Aliud fabula, Themidisque oraculum! — ita nempe: dum sapientes viri loquuntur erudite; — a vulgo audiuntur inscite, hinc orta mythologia est, pari quidem eruditio fructu & dispendio veritatis.



- 1^{mo}. BACCHANTEM ventriq[ue] deditum una ex parte, tum
 2^{do}. CENTAURUM vindictam spirantem, posterioribus pedibus, quasi omne
 jugum ejicere vellet, ferocientem, tum denique
 3^{tio}. FAUNUM libidini deditum, cornibus & caprinis pedibus ad fœminam
 tympanum agitantem, sese projicientem, tandem
 4^{to}. CAPRUM inter hos medio exilientem pinxit; symbola nempe, morali
 interpretatione, hominum belluino more secundum inferiorem partem
 viventium.
-

CONSPECTUS IV.

Hæc & talia, quid apud perspicacioris ingenii homines progignere potuere aliud, quam ut ipsi fastidirent simili methodo vivendi deditos, eosque non modo despicerent, sed cum supra hos etiam sapuerint, opprimere tanquam debiliores decreverint? vel ideo consentaneum erat, ut hic statueretur

- 1^{mo}. superbus ille indomitusque EUCEPHALUS, non nisi domino suo portando
 assuetus, genuinum Domini sui ectyon effigians, nempe:
 2^{do}. ALEXANDRUM Macedoniæ heroem. c)

CON-

c) Cujus caput, scribente Labbeo, intra se mundum gessit, nec tamen plenum fuit; qui plures mundos extra unum quæsivit, & post victa omnia adhuc quærens, quod vincat, non quievit. Qui ut infans timuerat, ne haberet quod vinceret, dum patrem victorem vidit, simul invidit. Flevit, & lachrymæ infantis orbem terruere; post victum orbem iterum flevit, dolens post omnia nihil superesse vincendum. Quam avarus! qui post Darii divitias adhuc pauper erat. Quam ambitiosus! cui nec natura satis fuit, nec fortuna; qui adeptus nomen magni, majus aliquid ambiit; solus sine æmulo clarus, volebat esse clarior; major fortuna sua, voluit porro esse major, & ne æmulo careret, factus suimet æmulus. Extra se vicit, intra se vicitus; extra se Dominus, intra se servus; imperans aliis, serviens sibi — amori — impotens sui. Id nempe egerat victoriis suis, ut cætera haberet in potestate, non — se ipsum; cum foris vicit — domi esset captivus.

Hic igitur Alexander quantumvis egregii plane corporis & animi fuerit, in quo artium robur conspiravit & mentis fortitudo, neque laboribus fracta, neque periculo deterrita; una tamen ebrietatis labe corrupta est, eo omnino vitio, quod in mediastinum potius, quam in principem cadere solet.

CONSPECTUS V.

Hic profecto Alexander, aliique ejusdem moduli homines, non modo plurima orbis regna suæ imperandi libidini subjecissent, totumque, quia late patet, orbem evertissent, nisi providus creatis suis rebus infinite bonus sapiensque Deus, viros ejusmodi, vicissim iis omnino temporibus excitasset, qui concivium suorum collabascentes animos erigerent, principisque imbuerent sanioribus, ut in exotica, plerumque obscura abeuntibus. Propterea Alexandro Magno adjunctus est

I^{mo}. ARISTOTELES ^{d)} aptissimus moribus aulicis Magister, a Satraparum aliquo

^{d)} De *Aristotele* cum scribere ordinur, quo fato philosophia fiat, nescimus, ut præstantissimus quisque Philosophus famæ sit maxime dubiæ; vel ille *Aristoteles*, quam est ab aliis laudatus, ab aliis contra vituperatus! jam enim ab antiquissimis philosophiæ temporibus de Aristotele omnia & bona dicuntur & mala; credas etiam imposterum studio partium dicentur? quo nos omnino vacui de hoc Philosopho ea hic adferemus, quæ & Lectorem erudiant; & cur imago hæc picta sit, illustrent.

Aristoteles natione Græcus, Stagiræ, Thraciæ oppido, Macedoniæ colonia, natus est patre Nicomacho medico, & æsculapii sanguine prognato, matre Phæstide, de qua incertum genus tradunt antiqui. Anno I. Olym. 99.

Cum parentes puer amisisset, est a Proxeno Atarnensi liberaliter educatus. Incertum est autem, quod vita genus sit *Aristoteles* secutus, fueritne miles, an pharmacopola? Dilapidatis bonis patriis Platoni anno atatis 17. Athenis in disciplinam se dedit; (Socratem enim, qui faciunt *Aristotelis* triennio integro Magistrum, mortuum illi dant Magistrum.) Posuit in audiendo Platone *Aristoteles* viginti annos totos; quo tempore acceptissimus erat præceptor, qui domum *Aristotelis* anagnostæ domum, qui *Aristotelem* mentem Gymnasi vocabat.

Mortuo Platone, cum ægerrime ferret *Aristoteles* sibi in Academiæ præfectura Speusippum fuisse præpositum, contulit se ad Hermiam, hic ante condiscipulus & amicissimus *Aristotelis*, Atarnensium in Myssia tyrannus, exceptit domi *Aristotelem*, & honorificentissime & benignissime. Deinde a Memnone rhodio captus Hermias, & ad Artaixerzem regem Persarum adductus, cum supplicio extremo esset affectus, nihil prætermisit *Aristoteles*, quo & dolorem testaretur suum, & officia hospiti mortuo præstaret. Hymnum in memoriam honoremque Hermiæ scriptis; statuam Delphis illi in templo sacravit,



quo regale pallium suscipiens & tamdiu sibi constans, quoadusque ab aliis

Pythiadam, Hermiae hæredem, aliis etiam filiam naturalem, aliis adoptivam, aliis nepte ex fratre filiam, duxit in matrimonium, eamque habuit animo egregie charam suo. A suplicio Hermiae Mytilenas se proripuit *Aristoteles*.

Philippus Macédoniæ rex *Aristotelem* Alexandro filio dedit præceptorem. In hanc sententiam nobis has literas servavit scriptas Gellius: *Philippus Aristoteli S. D. Filium mihi genitum scito, quod equidem Diis habeo gratiam, non proinde quia natus est, quam pro eo, quod eum nasci contigerit temporibus vita tuæ. Spero enim fore, ut eductus eruditusque abs te, dignus existat & nobis & rerum istarum successione.*

Heic *Aristoteles* aptissimus moribus aulicis, maxime se Philippo, Olympiæ & Alexandro probavit. Hic solitus erat dicere, a Philippo habere se ut viveret, ab *Aristotele*, ut bene viveret; qui tantos ab *Aristotelis* ore sibi fecit spiritus, quantos unus non caperet orbis, qui millenos quot hominum in totius Asiæ, Græciæque tractu jussit parare omne animantium genus, quod *Aristoteli* cognoscendum exhiberent.

Relicta deinde regia Macédoniæ Athenas venit *Aristoteles* anno 2. Olymp. CXI. non vocatus ab Atheniensibus, ut philosophiam traderet, sed sponte sua, cum ipse sibi turpe putaret silere, Xenocrate in Academia docente, scholam habere cœpit in Lycaeō. Erat autem Lycaeum in suburbio Athenarum locus publicus a Pericle conditus, in quo novi milites a campi ductoribus, sive polemarchis ad vera belli facinora ludicris pugnisi exercebantur, ubi ambulacra, fontes, arbores, omne genus erat amoenitatum. Cum ergo in Lycaeō ambulans doceret, ab ambulando dictus est peripateticus; quamquam & ipse sæpe doceret sedens, nec dictus fuerit peripateticus Plato, qui deambulatione in sæpe doctrinæ causa frequentavit.

Ea autem erat fama *Aristotelis*, quam una Alexandri sustineret potentia; quo anno I. Olymp. CXIV. defuncto, repente flamma in illum exarsit invidiæ. Publice reus cum haberetur violata religionis, eo quod negaret quidpiam prodesse preces & sacrificia, qui Deum necessitate quadam induceret constrictum, ipse fuga sibi consuluit, cautus: *noluisse se committere, ut Athenienses bis peccarent in philosophiam*, ad suplicium Socratis alludens.

Cum venit Chalcida, ubi non diu fuit superstes, stomachi contracta ex studio infirmitate, obiit eodem, quo fugerat anno. Divinis honoribus civem suum mactare Stagirani, qui corpūs in patriam attulere, aram & delubrum illi dicavere.

Morti proximus Theophrastum dicitur scholæ præfecisse. Ex uxore Pythaide Pythiadam filiam, ex altera uxore Herpylide, quam alii concubinam voluere, Nicomachum filium suscepit, cui vel scripsit libros Magnorum moralium *Aristoteles*, vel qui ipse eos scripsit, fuit enim & valde Theophrasto clarus, & in philosophia insignis.

Jam de virtutibus *Aristotelis* pleni sunt libri, plena est exemplorum non antiquitas sed recens hæc nostra ætas. Nos missis dubiis multo rectius in *Aristotele* laudabimus grati, memorisque animi fidem, in reddendis beneficiis & Nicanori tutoris sui Proxeni filio, & Hermiae, cuius familiam secum matrimonii necessitudine conjunxit.

Præterea laudata est *Aristotelis* charitas in patriam, quam ornandam multis beneficiis curaverit; laudata industria & labor in studio ejusmodi, ut exiguum partem quieti daret



aliis commentatoribus sibi dissimillimus redditus non esset.

2^{do}.

daret nocturnæ; quæ quo brevior esset, solitus erat somnum inire, æneo globo manu comprehenso, qui cadens in subjectam pelvam, sonitu vixdum dormire incipientem excitaret.

Laudata denique immensa quædam lectio, quam modo is negaverit, qui nunquam ipse Aristotelem omnium philosophorum eruditissimum legerit.

Supereft, ut de doctrina Aristotelis brevibus dicamus.

Philosophia non sub pallio, sed sub facie corporis vili in Aristotele latebat. Is exiguis oculis, voce gracili, lingua etiam hæsitante in juventute, naflo elato, cruribus parvis, valetudine fuit infirma, quæ omnia naturæ mala virtus & industria aut vicit aut dissimulavit. Tantus enim ac talis vir Ciceroni fuisse visus est Aristoteles, quo uno nemo omnium doctior, nemo acutior, nemo acrior, nemo fuerit nervosior, singulari vir ingenio, ac pene divino, flumen orationis aureum, ab eodem dicitur, fundere fuisse solitus; ut vero erat Cicero secundum Audomarum Talæcum laudum vel alienarum prodigus.

Certe in doctrina tradenda, ad quam maximus discipulorum confluebat numerus, Academiæ disciplinam, si nihil aliud, diligenter retinuit Aristoteles, qui geminam methodum & arcanam & popularem in docendo servavit, duas enim habuit species commen-tationum exotericas, quæ ad rhetoricas meditationes, facultatem argutiarum, civiliumque rerum notitiam conducebant; alia acroamatica, in qua philosophia remotior subtiliorque agitabatur, quæque ad naturæ contemplationes disceptationesque dialeæticas pertinebat.

Tempus item & genus discipulorum, non doctrinam modo in duas habebat distri-butam species; matutino tempore cum discipulis interioris admissionis, de philosophia remotiore ac subtiliore; vespertino vero, cum juvenibus sine delectu, de rebus civilibus & medio positis differebat. Duo etiam librorum genera erant, unum populariter scriptum, quod exotericon appellabat, alterum limatus, quod in commentariis reliquit.

Omnino nihil habet Aristoteles non valde controversum & exagitatum, vita omnis etiam nunc in judicio versatur, his accusantibus, illis Aristotelem in astra ferentibus; doctrina vero & libri Aristotelis jam dudum habent & laudatores eximios & accusatores molestos.

Occurrunt tamen multa, quæ hominem faciunt obscurum: quod philosophiam vellet occultam, quod brevitati studeret, quod sermonis proprietatem etiam non usi receptam sectaretur, quod partes sermonis, multis datas philosophis, qui sensa animi sui exponerent & confirmarent, vix ullo discriminé sejungeret; quod denique gloriam ex aliena reprehensione sive merita, sive immerita, conquereret; qui némine præter-ivit, quem non carperet, ratus tantum in se derivaturum gloriæ, quantum aliis omnibus ademisset, qui denique more Ottomannorum putavit, regnare se tuto haud posse, nisi fratres suos omnes contrucidasset. Ita Vives, ita Verulamius & alii pluri-mi.

Nunc scripta ejus attingamus! Vivus Aristoteles vix passus, quidpiam suorum scriptorum publici fieri juris; moriens & suos & alienos, ex quibus primus omnium dicitur confecisse Bibliothecam, Theophrasto libros in manus dat; is Neleo Soepsio legat. Neleus hæredibus suis indoctis tanquam margaritas porcis testamento reliquit,



2^{do}. Paulo ab Aristotele comparet vir ille ambitiosæ paupertatis, qui fastum aliorum proprio fastu calcare consuevit DIOGENES nempe e) eodem die Corin-

qui eos neglectos habuere, escas tineis blattisque, eousque, dum Attalici Reges Per-gami Bibliothecam ut instruerent, undequaque scripta conquirere cœperunt. Veriti hæ-redes Nelei, ne pro imperio Reges illi, quibus ipsi parebant, *Aristotelis* libros eriperent, in specu subterranea abdidere, ubi cum amplius CXXX annos publico caruissent, situ & squalore confecti, in manus venere magno pretio Apelliconis Teii, librorum quam doctrinæ avidioris, qui Bibliothecam Athenis sibi parabat.

Hic cum libris exscribendis vellet lacunas supplere, ut colorem restitueret, vires & valetudinem jam affeetam penitus perdidit librorum.

Neque hoc satis mali! Cornelius Sylla emtos libros Romam cum exportasset, eorum copiam exscribendorum fecit Tyrannioni grammatico, qui rursus vulnera nova fecit, cum vetera voluit curare. Ita nomen, non scripta *Aristotelis* in vulgus emanavit.

Hac uno ore fremit critici tantum omnes, & nos non contradicimus, videant illi, ne quis in historia eorum desideret judicium.

An vero nulla exscripta vivo Aristotele sint facta? nulla ne Theophrastus quidem fieri sit passus? utrum vero, qui tam longo tempore Lycæo præfuerere, ignorarint, penes quos essent monumenta *Aristotelis* & Theophrasti? an non locum novissent, ea in tenebris jacere, æquo tulerint animo? quid? Atheneus nonne Auctor est, Neleum vendisse libros Ptolomæo Philadelpho, quos hic Bibliothecæ intulerit Alexandrinæ? equidem non possumus sine hæsitatione de fortuna librorum *Aristotelicorum* non dubitare, sicut neque arbitrari, tam fuisse negligentes primos illos Lycæi alumnos, neque tam cacos consecutos alios, qui pro medicis Apelliconis & Tyrannionis manibus, injurias non sint conquesti publice manus. Verum Critici viderint.

e) *Diogenes* Icesio patre, mensario, synope in Ponto natus, adolescentiam male egit, reus pecuniæ adulteratæ, sive cum patre profugit, sive cum servo, ut alii de eo produnt, patre in vinculis conjecto, & deinde ob filii crimen interfecto.

Huic Athenis visus est Antisthenes dignus, quem præ omnibus sequeretur; sæpe repudiatus, nec nisi importuna rogatione & patientia futura cynico (qui sibi baculo pati posset comminui ossa) dignissima, tandem receptus, ornatum & rationem cynici mor-dicus arripuit adeo, ut locum fecerit lepidæ narrationi: & in dolio vixisse, & Alexandrum magnum præ se contempsisse; quod quidem emunctioris nasi critici utrumque in dubium vocant, alii adfirmare tamen non dubitant.

Diu vixerat Athenis Cynicus; unde cum Aeginam navigaret, captus a Scirpalio, duce Pyratarum, in Creta venditus est Xeniadi cui prætereundi vendi se velle dixit, eo, quod Domino Xeniades egeret, ipse autem *Diogenes* artem sciret liberis imperitandi. Gell. II 18. Et vero: dicitur præcepisse domino, ut sibi servo veluti medico pareret.

Xeniades miratus ingenium & virtutem *Diogenis* non modo pileum sumere jubet, sed etiam ei filios instituendos comittit, reique dat curam familiaris.



Corinthi ætatis suæ nonagesimo anno vita funetus, quo Alexander Babilonæ obiit; Antisthene, cuius discipulus egerat magis Cynicus. Huic in dolio sedenti adjacet canis, proprium illud cynicis symbolum.

3^{to}. Is, qui (super globo terraquo acclinatus) & fata hominum continuo deflens videtur, est HERACLITUS EPHESIUS ^f) qui evocatus a Dario in Persidem, ire neglexit; nihil esse ratus Philosophis cum magnis principibus commercii.

4^{to}. Heraclito pictura jungitur Phanias Lesbius, omnium criticaster, & ille centum & novem annos proiectus DEMOCRITUS; ^g) posterior quidem dignus diu vivere, qui nugas hominum seu negotia risu potius, quam solitudine digna judicasset.

5^{to}.

Diogenes heriles filios instituit atque erudiit ad virtutem prope cynicam, bona vero ita curavit, ut Xeniades sèpe diceret, bonis avibus ingressum fuisse domum *Diogenem*. Hic in frequentissimo Græciæ Emporio multos mortales ad virtutem inflammabat, degere solitus in craneo, quod erat gymnasium prope Corinthum; sepultus iuxta Corynti portam, quæ via est in Isthimum, tumuloque imposita columna marmorea cum cane, illo cynicis proprio symbolo.

^f) *Heracitus*, non dicam Philosophos, sed ne cives quidem deditos voluptati ferebat. Ephesi Blystone natus adolescens ingeniosus, cum habuisset magistros Xenophanem & Hippasum, in disciplinæ formulam eorum decreta transtulit.

Auctor nobis est Proclus: in atlanticum montem iter suscepisse *Heracitum*, qui reversus in patriam ægerrime passus, Ephesios igni & aqua interdixisse Hermodoro suo, Viro juris legumque consultissimo, ipsorum noluit uti beneficio, cum regnum, sumnum scilicet magistratum, sibi deferrent.

Morbum in solitudine contraxit; redditus Ephesum, medicinæ causa perit, cum annos vixisset sexaginta, in foro sepultus.

Fletum nihilominus *Heraciti* assiduum, quoties in publicum prodiret, ab antiquis bene multis memoriae proditum, ridet Lucianus, cui quidem omnes ludibrium debuere philosophi; ridet etiam Juvenalis.

Obscuritatis in ejus libris obversantis causa, tenebrosus a veteribus nuncupatus, libros neque grammaticis neque philosophis satis intellectos, Euripides ab adytis Diana extra eos enarrabat. Quos vero non tulisset vivus *Heracitus*, hostis hominum, discipulos, eos habuit mortuus heraclista, posteaquam in manus ejus scripta pervenere.

^g) *Democritus* Abderæ in Thracia natus, patre Hegesistrato, nihilominus nobili, quam opulentio & copioso. Inflammatus amore sapientiae, cuius primam institutionem acceperat *Democritus* ab iis magis, qui comites Xerxis in Thraciam venerant, amplissimo viatico instru-



5^{to}. Ambobus his viris Philosophis adjectum symbolum Stryx, dubium & obscurum morum meliorum indicium significans.

instructus, facile ægyptios primo sacerdotes, deinde Aethiopes gymnosopistias, post magos babylonios, postremo adiit Indos philosophos.

Anaxogoram *Democriti* magistrum fuisse, dubitatur; Socratem tamen ab eo Athenis visum, est verosimilius; Arimnestus, vel Philolaus *Democriti* magister venditatur; Leucipus quod fuerit, constat.

Redeunte *Democritum*, pecuniaæ inanem, sapientiaæ vero divitem, domi benigne suscepit Damasis frater. Hic populo recitavit optimum librorum suorum, Diacosimum magnum, cuius prælectione magnam pecuniaæ summam corrogarat.

Prædictiones valde Abderitis commendaverat, non tam quod ille Vates, quam quod ipsi essent Abderitæ, ingenio crassi & stupidi.

Democritus abdebat se monumentis, ubi seclusus dies noctesque scriberet, quo tempore dicitur se oculis privasse, ut quam minime a cogitationibus animus abduceretur.

Credas! qui lucem publicam fugeret, & loca quæreret sola *Democritus*, se oculis dictus est privasse?

Sed & de risu Democriti, sine quo nunquam in publico visus fuisset, veremur, ne non satis risum tenere queant Critici; cum facile dabunt: populares sæpe a *Democrito* homine petulante splene eachinno irrisos fuisse.

Borrichius fecit *Democritum* insignem Chemicum, quasi hoc restaret unum, ut irrisor esset *Democritus*, omnino deridiculus.

Nimia ornata oratio in epistolis, quibus Abderitæ vocant Hypocratem, qui medicinam faciat furioso *Democrito*, pro fabulis habetur a multis. Ad hæc, inter magos non sine colore veri numeratus est a Plinio *Democritus*. Verum enimvero a multis non modo doctrina *Democriti*, quæ infinita scripta peperit, quorum nullum non habetur suspectum, & accusatum τῆς ροδειας, sed etiam vita laudatur.

Morti proximus, ne luctu vel posset ejus soror vel cerealia vel thesmophoria obire, vitam dies aliquot adinovendo naribus pane calido protraxit. Leucippi physiologiam retractavit *Democritus*, limæ amicissimus, qui senex recognovisse scripta sua dicitur,



CONSPEC-



CONSPECTUS VI.

Istius hucusque philosophiæ semini forte principale & solidioris sapientiæ scientiæque impedimentum fuerit avaritia, fuerit auri sacra famæ, forte denique omnibus tessera : *O cives, cives ! quærenda pecunia primum est !* Vel ex hac ratione recte

- 1^{mo}. Fortissimo omnium Cynicorum CRATETI ^{b)} hic locum ars dedit, qui Thebis patre Alcondo nobili & opulento natus, ad Diogenem relictis possessionibus paternis, sive in mare pecunia projecta, ut hic videtur, seu ad mensarios deposita (quia non constans de hoc traditio est apud scriptores) se contulit, gibbosus, incurvus, deformis, philosophiæ natus cynicæ, initius verecundie & pudoris.
- 2^{do}. Aurora scem diem, portus, aut potius mare ipsum signa indicare voluit in arte Magister : doctrinam a Cratete hominibus ostensam, a Metroclo, Lymphato, Menedemo, Menippo & aliis propagatam, præcocem, & sine fundo fuisse, solique maturiori ætati, luce non sola naturali, sed divina exequutioni dandam esse.
-

CONSPECTUS VII.

Chaos illud vagantium opinionum, & doctrinarum inter se omnino pugnantium, a tot tantisque viris in vulgus sparsarum necessario instinctum naturalem quasi e somno excitare, & intellectum humanum ad utiliora potius

b) Crates gloriam doctus spernere, patientia tanta in rebus duris, ut flagris cæsus, pedibus tractus, jocaretur & rideret.

Primus omnium cynicorum uxorem duxit Hyparchiam ortam ex urbe Thraciæ Marona, quæ tanto cynicum amore deperibat virgo, ut vel mori, vel nubere Crateti, ipsam etiam dehortanti, vellet.



potius, generique humano magis proficia quærenda, impellere debuit. Vel ideo parte fornicis ex altera ab Adamo, cuius situm sub exordium recensuimus.

I^{mo}. AEGYPTUS ⁊ illa antiqua, terra illa tot non modo virorum, magni profecto

i) Plurane monstra *Aegyptus* ipsa, quorum ferax esse dicitur, præ aliis regionibus, an antiqua *Aegyptiorum* historia procrearit, quisque omnino secum ipso deliberet. Cum enim vix ac ne vix quidem ulla fuerit alia natio, de cuius rebus plura in dies singulos ab infinito prope tempore sint ab eruditis hominibus scripta, qui si recensendi essent omnes, charta profecto deficeret. Tamen nulla certe est, de qua plura, aut magis fabulosa, aut incerta magis dicantur. Quod præjudicium ante Christoporum Celarium fecerat & Herodotus, qui res omnes *Aegypti* dubias ante commercium *ægyptiorum* cum græcis pronunciavit; & Diodorus sicutus, qui diserte confirmat, illum ipsum Herodotum, non nullosque rerum *ægyptiarum* scriptores portenta narrationum fabulasque fuisse complexos.

Et tamen tam valde polyhistoras invasit *ægyptiarum* rerum cupido, tam valde in ista historia eruenda componendaque ex Manenthone, Africano, Syncello, aliisque male luxatis scriptoribus insudatum est, ut in ea viri eruditi lapidem quendam historicum & vel, si mavis, lapide illo famoso philosophico multo pretiosiorem, sibi esse polliciti videantur. Sed hujus rei causam, in nobilitate *ægyptiorum* antiquissimorum sitam esse, existimandum est.

Ut enim nihil de imperio dicamus, deque Dinastis illis antiquissimis *ægyptiorum*, quæ res una solet maximam facere nobilitatem; summa tamen semper fuit opinio de *Ægypti* sapientia, quam ex antiquis prope omnibus scriptoribus accepimus, quamque peregrinationibus eruditis in *Ægyptum* Plato, aliquie veterum contestati fuere.

Inter principes *ægyptiæ* sapientiæ auctores habetur antiquissimus Mercurius, quem ut scribit Eusebius, phœnices *Taut*, Alexandrini *Thoot*, alii *Theut*, alii *Thoyt*, Graci *Hermetem*, Latini *Mercurium* appellavere.

Hac super re si velis Lector *fabulas*, consule *Lilium*, *Gyraldum*; si *historiam* desideras, audi *Tullium* & *Diodorum*.

Tullius hæc habet: Mercurius quartus Nilo patre natus, quem *Ægypti* nefas habent nominare; quintus, quem colunt *phænætæ*, qui Argum dicitur interemisse, ob eamque causam in *Ægyptum* profugisse, atque *Ægyptiis* leges & literas tradidisse hunc *Ægyptii* *Thoyt* appellant.

Diodorus vero ita scribit: Osirim cum Mercurio omnia communicasse, ejusque consilio maxime usum fuisse, illumque in honore ante omnes habuisse, cum esset perspicacis ingenii in excogitandis vitæ humanæ commodis. Pergit porro atque recenset, quas Mercurius artes invenerit: loquelam articulatim distinxisse, literas invenisse, rebus multis *anonymis* nomen imposuisse, religionem Deorum constituisse, ordinem astrorum & naturas observasse, palæstram aleamque induxisse.

Mercu-



fecto nominis, genitrix, sed etiam artium utilissimarum productrix exhibetur.

2^{do}.

Mercurium itaque seniorem patria fuisse ægyptium, ætate antiquissimum, religione suorum civium, unum fortasse Deorum, magistratu scribam vel Saturni vel Osiridis; omnes artes invenisse, maxime literas hieroglyphicas, si quid licet, non omnino temere de Mercurio sentire, hic ita placet, non tamen iis assentiri, qui ex quovis ligno, quod ajunt, sibi Mercurium faciunt; alii ex Henocho; alii ex Aegyti prorege Josepho; ex Canaano alii, alii ex Moyse denique.

Restitutorem nihilominus alterum Mercurium doctrinæ apud Ægyptios fuisse, Moyse juniores, nobis narrat, testaturque, quamvis græca fide, Manetho: ex stellis in terra sendiaca positis, sacra dialecto, & hieroglyphicis literis a Toth Mercurio primo exaratis, secundus Mercurius Agathodemonis filius, Tati pater, ex sacra illa lingua transtulit, literis hieroglyphicis in libros, quos in adytis templorum Ægyptiorum reposuit; cuius sententia omnino difficulter adhæseri potest.

Propagatores tamen sapientiæ institutos ab altero Mercurio sacerdotes, prophetas, hierophantas, quibus nominibus communiter appellantur, non dubitamus. Qui singulorum officia ordinum scire voluerit, operæ pretium faciet, si exponentem ista pluribus, Clementem Alexandrinum legerit; nos his prætermisssis de doctrina Ægyptiorum sacerdotum pauca fari cogimur.

Hi legislatores, philosophiæ prædicatores, cœlestium rerum observatores, in speculationibus arithmeticis, geometricisque occupati, semper in experimentis versati fuisse dicuntur; artes vero omnes illos fuisse professos, testis est omnis antiquitas: Justinus enim scribit: Astronomiam & geometriam apud Ægyptios habitas fuisse doctrinas vulgares & humiles, in honore autem ac pretio fuisse, quæ vocantur literæ hieroglyphicæ. Hoc ipsum testatur Hieronymus: Sacerdotes ægyptios rerum naturalium causas & rationes siderum fuisse contemplatos. Hinc ex antiquis vix est, quin ad astra ferat ægyptiam sapientiam, quam tamen Hermannus Coringius deprimere conatus est libro, quem fecit de *Hermetica Ægyptiorum medicina*.

Itaque non geometriam, non astronomiam, non musicam desiderarunt, non medicinam canente Apolline Ovidiano:

Inventum medicina meum est, opiferaque per orbem

Dicor, & herbarum subjecta potentia nobis.++

non Astrologiam, illam etiam judiciariam, non denique magiam, ac beneficia.

Sacré tamen doctrinæ disciplina non una erat; aliam alia collegia, per totam Ægyptum dispersa, sententiam sequebantur; quod, & tradit Herodotus, & Plutarchus de Iside & Osiride adductis multis, multumque discrepantibus Ægyptiorum veterum interpretationibus, ostendit, & Juvenalis satyrice notat.

Denique non una videtur semper fuisse facies sapientiæ inter ægyptios sacerdotes, qui primis temporibus magiam atque idolatriam, rege deinde Cambyse, Chaldæorum Theologiam, rerum potito Alexandro, Græcorum sapientiam comprobavere.



210. In SPHYNGE k) seu termino, a quo ad quem, meditatio instituenda est.
Spyngis autem illa īmago, quam cernis, nihil est aliud, quam Nili sub
exor-

Præterea duplex erat Theologia, popularis & arcana; altera quam fœda fuerit, nemo non didicit, qui vel nomine Tullium, Tertulianum, Suetonium, Eusebium Pamphylium, Juvenalem, cognoverit.

*Quis nescit, Volusi Bithinice, qualia demens
Aegyptus portenta colat? — — —*

Altera autem tota erat impia, tollebat Deos, præter vulgo dictos planetas. Non statuebat corporis expertem aliquem hujus universi Architectum; diffundebat per totam universi molem Deum Osirium, tanquam mundi animam; — Ihsu Deam, veluti materiam Osiridi substernebat, unde illæ duæ natæ sunt inscriptiones :

TE. TIBI.
UNA. QUAE.
ES. OMNIA.
DEA. ISIS.

AERRIUS. BACBINUS. v. c.

Et quæ in templo Saidis est reperta :
EGO. SUM. OMNE. QUOD. EXISTIT. ET. MEUM. PEPLUM. NE-
MO. ADHUC. MORTALIUM. DETEXIT.

Ut autem methodum scribendi ægyptiacam epistolographicam, hieraticam, symboli-
cam, allegoricam, ænigmaticam omittamus, pauca de libris dicamus.

Hermeti juniori magna librorum plastra sunt supposita, de cuius monstroso nu-
mero neque cum iis sentiendum, qui singula folia papyri singulos libros accipiunt;
ut nec cum iis, qui singulos versus volumina faciunt; sed potius cum Jamblico te-
nendum, scribente : *Noſtri maiores ſuę ſapientię inventa illi dedicabant, omnia propria com-
mentaria Mercurii nomine inſribentes.*

Unde tanta librorum Hermeticorum multitudo vel in solidum est a Platonicis
philosophis conficta, vel servatis nonnullis Hermetis sententiis parta; quod judicium
maximi fit etiam de Poemandro, de Asclepio, de Jatromathematicis.

Horus Apollo, qui hodie circumfertur, Aegyptiorum Deus, libellus est de hie-
roglyphicis Ægyptiorum, quem græcum fecit Philippus quidam. Horus Apollo Fabricio
est Horapollo grammaticus Phænebytides memoratus Quidæ, mirum si non sit partus
Platonicorum, magno & antiquo nomini subditus.

Hechælæus & Palæphatus ſæpe citantur scriptores de Ægyptiorum philosophia, qui
unum nomen posteris reliquerunt, scripta enim desiderantur.

Habemus Jamblichum de mysteriis Ægyptiorum; habemus de mystica Aegyptio-
rum sapientia librum Aristoteli tributum, qui tamen Aristotelis non est.

Hæc propteræa de nobili scientiæ fama Aegypti fusus diximus, quod pauci fint,
qui claram ejus habeant ideam.

k) *Sphynx* apud Aegyptios ita celebris, tantæque famæ fuit, ut eidem honores divinos,
temporis exstructis, colossisque erectis, deferre non dubitarint.



exortum heliacum Syrii exundantis & Aegyptum, ductis undique canali-
bus, fructificantis, symbolum. Hinc etiam

- 3^{to}. AESCULAPIUM *l)* Apollinis filium in arte medendi principem, e serpen-
tibus baculo sibi implexis cognoscito; post *Aesculapium*
- 4^{to}. HYPOCRATEM, qui multum diversimodis peregrinationibus suscep-
tus, & scientia amplissima sibi comparata, atque Medica in ordinem
certasque ad leges redacta, palmamdecessoribus eripuit, sed &
- 5^{to}. GALENUM his junctum, qui Hypocratem sibi Magistrum assumerat, priorum
socium contemplari non omitte; is enim Magistri sui doctrinam
vigiliis suis diurnis nocturnisque plurimum auxit, propagavitque.

Ultra passum facito Bibliophile, num & verumne historia nobis ad-
ministraverit fundamentum in hanc abeundi sententiam, quam sequente
conspictu ferimus, judicato.

CONSPECTUS VIII.

Emolumenti certe plurimum in totum genus hominum derivatum est
per eos, qui ob præclara in administranda republica tam jacta fun-
damenta, quam leges introductas, apud nos etiam celebrantur. Hinc
intuere

- 1^{mo}. Politicorum philosophorum facile omnium principem LYCURGUM, *m)* qui
eam Spartanis disciplinam, vitæque tradidit rationem, quam nunquam an-
tiqui laudavere fatis. Tandem

2^{do}.

l) *Aesculapii* scripta toties interitura, cura inulta ab Athemidoro & Dioscoride postea col-
lecta, servata, & ad nostra usque tempora translata sunt.

m) *Lycurgus* dicitur audivisse Theologum antiquissimum Thaletem Cretensem, alium a
Thalete Milefio; dicitur leges Ægyptiorum atque Cretensium in suis effinxisse; dicitur
nihil, quod ipse non præstitusset, ab aliis lege sua exegisse; quæ tanta bona corrupit
tamen, vel quod auctorem suorum oraculorum finxerit Apollinem, vel quod leges in
tabulas publicas non retulerit, sed fidei tutelæque magistratus, exemplum scilicet anti-
quissimum arcani imperii, commiserit; vel quod immanis cujusdam fortitudinis dun-
taxat rationem habuerit.



2^{do}. SOLONEM *n*) civem Atheniensem , patria Salaminum nobilissimo genere natum , qui mercaturam non doctrinæ minus , quam pecunia querendæ causa fecit , quod ejus pater Execestides eam nimia liberalitate decoxisset , nihilominus rempublicam Atheniensem etiam per insaniam præclare gescit . Denique

3^{tio}. PYTHAGORAM *o*) cui , ceu quadrantalium aliarumve mathematicarum verita-

n) Solon enim , insanum cum simulasset , ut pro concione elegos suos sibi impune recitare liceret , ex suggestu præconis populo persuasit , ut bello Salaminam repeterent ; de qua recuperanda , si quis verba faceret , re sœpe male gesta , capitale facinus Atheniensium lege erat . Archon creatus anno 3. Olymp. 46. totum civitatis statum ita mutavit , ut optimè rempublicam constitueret iis legibus , quas inclytas T. Livius appellavit . Atque ita novis Athenis introductis tabulis & tenuiorum providens inopiae , addidit & tum quasi senatum duplicem , unum nempe Areopagum (legum jurisque custodem) & alterum , e quatuor tribubus conflatum , qui populum regeret , neque hunc omnia temere suscipere pateretur . Quæ sanctissime instituta in deterrimam reipublicæ formam , hoc est : democratiā , degenerarunt . Obiit in insula Cypro Octogenarius ; ossa ejus fuisse cremata , & sparsos esse cineres per insulam Salaminam , putat fabulosum Plutarchus , quod tamen ab Aristotele traditum est . Et licet Solon aliquorum sententia male audierit , hoc tamen nemo inficias ibit , Solonem patronum doctarum mentium eruditam peregrinationem in Ægyptum suscepisse , ad reliquos Græcias sapientes invisiisse , & sententias quasdam carmine conscripsisse , ut respice finem , sequere ducem rationem .

o) Patria Pythagoram Samium , ita enī ajunt plurimi , quamvis negent , qui illum Tyrrhenum , qui Phliasium , qui Metapontium , qui Tyrium , qui Judæum , qui denique faciunt Etruscum . Cujus pater Mnesarchus fuit Samius . De patria Mnesarchi , de nomine , de genere vita , infinitæ sunt dissensiones .

Jam ortus Pythagoræ quam monstro similis ! Intervenit oraculum Apollinis , quo mater impostorum pro Parthenide vocetur Pythais , quæ non ab alio , quam ab ipso gravida credatur Apolline . At de tempore ortus litigant Britanni tres Bentlejus , Loidius , Dodvellus ; utinam de die , deque hora diei subtiliter quoque rationes subduxissent , quasi vero in eo scilicet versaretur philosophia salus .

At institutionem , & studia & peregrinationes Pythagoræ , si quis constanter explicet , profecto magnus futurus Apollo .

Sidone , quo Mnesarchus negotiator cum Parthenide venerat , natum Pythagoram vult Bruckerus . Puer reversus in insulam Samum fit a nonnullis pugil samius comatus , ab aliis vero discipulus primum Hermodamenti Creophilo civi samio , deinde Pherecydi ex insula Syro . Annos octodecim natus ad Pherecydem , inde ad Anaximandrum , inde se ad Thaleta contulit . Hic quæ lites ! Jamblichum vide , qui inde Pythagoram mittit in Phœniciam ad Moschi posteros , physicos insignes , qui hominem omnibus mysteriis initia-

ritatum inventori, super Cubo confidenti conus vicinus est, conspice,
qui ita præsentatur sedens, ut manu flammam, huc illuce agitatam, te-
nens,

initiatum ostendit. At Joan. Clericus, ex ista reformata disciplina criticus, præcludit omnem in orientem aditum *Pythagoræ*. — Phœnicia peregrinationis occasione alius dat *Pythagoræ* magistros Thraces, alius Judæos, quorum fiat proselytus, alius denique *Pythagoram* in Carmelo mōratum, carmelitanæ familie socium adjungit. Nos his missis, sequimur peregrinationem philosophorum.

Pythagoras dum e Phœnicia in Ægyptum trajicit, a nautis pro Deo quodam habitus, Amasi regi, doctarum frontium e Græcia potissimum amico, literas a Polycrate reddit. Amasis hospitem commendat sacerdotibus ægyptiis, quorum literis annis supra viginti duobus asvefactus, præteriti ævi sacerdotum commentarios scrutatus, innumerabilium sacerdotiorum observationes cognoscit. Rursus dat se in viam.

Ab Ægypto ad Persas profectus magorum exactissimæ prudentie se formandum traxit. Atque hoc iter orientale uno ore antiqui meminere, quibus omnibus tamen Bruckerus temeritatis notam inurit, quasi non bene subductis rationibus temporum fabulae assensi fuissent. Hoc omnino citius confidendum: non esse satis res *Pythagoræ* divisas temporibus suis, quam ut testes omnes antiquitatis pro duobus tribusve habeantur cum Bruckero, qui negat *Pythagoram* Babylone audivisse Zaratum, neque Nazaratum, neque Ezechielem, neque Danielem, neque Judæum aliquem. Sed sequimur jam *Pythagoram* ad Garamantas & Indos, quas ultimas lustrasse terras philosophiae causa, habetur memorie proditum. Eundem in Galliam ad Druidas venisse, minus est probata opinio, eaque vix paucis testibus confirmata!

In patriam reversus ibi in maxima doctrinæ admiratione fuit, quam per ænigmata ægyptia traditam, non ita coluere Samii. Rursus ut omnibus Græciæ superstitionis mysteriis initiatus suis esset venerationi, invisit ex ordine sacerdotes Delios, Delphicos, Cretenses, Epiménide fabiloquum etiam, cui non erat valde dissimilis *Pythagoras* vitæ ratione. Spectandum se præbuit Græciæ in Iudis Olympicis, rogatusque quam artem profiteretur, abrogato superbo cognomine sapientis, se non σοφος appellavit, sed philosophum, id est sapientiæ cultorem. Hic spectatus satis domum rediit, scholam in oppido aperuit; celebratum deinceps illud *Pythagoræ* Hemicyclium, quo de republica consulturi Samii, congregarentur. Minois vero, aliquorunque veterum legislatorum exemplo extra urbem antrum sibi delegit, ubi cum amicis de rebus disputaret, philosophicis, bonam diei noctisque partem.

Insuetus autem domi vivere in Italiam navigavit; cuius novi itineris causa alia ab aliis assignatur. Crotoneum delatus, unam e civitatibus græcis, quæ civitas fama peregrinationis philosophi commota in occursum *Pythagoræ*, benevolentiamque effusa est. Autoritatem, homini philosophi exoticæ laude nobilissimo, conciones habitæ Crotonæ ad omnes ordines, quos ad virtutem hortaretur, mirum in modum auxere.

Hominis porro forma ita venusta, ut Apollo haberetur; in oculis & ore summa quadam majestas, barba promissa mento præpendebat; veste candida coronaque aurea uteba-



nens, doctrinæ transmigrationis animarum abs se traditæ, signum præbeat. Quod admirans quidam, atque, quid rei sit, intelligens, territusque, fugam subito arripiens effigiatur.

CONSPEC-

utebatur; a lana omnino abstinebat; cæna sine sanguine & fumo; olera victus quotidianus; vinum saepe nullum.

Nihil unquam in vita contra decorum dicitur egisse; quibus omnibus cum calumnias religionis adderet, cum se ab specu egressum, ubi cum degeret, mortuus fuisset habitus, ab inferis reducem mentiretur, cum aureum se femur gestare prædicaret, cum mille fallendi artes, nomina mille adjecisset, velut e cœlo delapsus habitus est.

Integral domi habuit familiam philosophicam. Theatro fidissima Pythagoræ conjux, aliis cressa, aliis crotonensis, ita in philosophicis versata, ut mortuo marito scholam rexerit, etiam libros plures scripsit.

Peperit Pythagoræ Telagem, Mnesarchum, & Arimnestum filios, Saram, Myram, Angnotem filias, quibus adjungitur Damo, incertum an mas, an fœmina? quæ domus omnis philosophata est. Servum præterea Astracum alebat philosophum. Zamolxim illi erripit Herodotus non assensus fidei græcæ. Post tantam tamque laboriose navatam philosophiæ operam Pythagoram in seditione quadam imperfectum narrant, at suo quisque arbitrio. Crotoniatae mortui ædes dicavere Cereri; per ejus nomen soliti sectatores jurare; statua illi Romæ posita. Moriens secum ad inferos traxit complures discipulos in seditione una confectos.

Multa jam de Pythagora, & tamen nondum omnia diximus. Igitur quo pacto discipulos suos, quos vita, non lingua volebat philosophos, erudierit, breviter ut dicamus, necesse est.

In universum discipulos ille vel internos & familiares, vel externos habebat & plebejos. Nam alterum genus erat turba popularis, apud quam de virtute conciones habebat; alterum sibi legerat genus impensa cura discipulorum sociorum, amicorum, quibus per gradus, ordinesque quosdam statutos, arcana sua committeret. Ac primum omnium quisquis societatem pythagoricam peteret, in ingenium petitoris, in mores, in vitam inquirebat fastidiosius, quem saepe repudiabat; at quem se dignum duceret Pythagoras, in numerum suorum familiarium, quos vocabat *χοροβιος* voce christianis deinceps recepta, cooptabat. Horum vero familiarium duplex erat ratio; nam recens in cœnobium receptos vocabat *ακεστικης*, exotericos pythagoristas; qui nondum sacris pythagoricis initiati duo illa verba loqui possent, *ipse dixit*. Qui vero res didicerant rerum omnium difficillimas, tacere, — audireque, hi dicebantur eo tempore *μαθηματικοι* essoterici & pythagorici; quos omnes ad bonorum communionem adigebat.

Exercitationes porro acusticis propriæ erant hæ: primo ut moderate discerent, graviterque loqui *εχεμυδικυ* imperabat, hoc est: *certum tempus tacere, non omnes idem, sed aliis aliud tempus pro aestimato captu solertia*. Deinde novitii illi philosophi non audire coram, sed interposito velo docentem Pythagoram solebant; ac ne audire quidem persæpe licebat, cum ab uno aliquo Essotericorum loco Pythagoræ erudirentur. Tum

neque

CONSPECTUS IX.

Nunc videamus, quæ porro forma regiminis incrementa suscepit, quæve emolumenta in humanum genus tum derivata sint maxime, cum sapientes viri tot tantique operam suam in ea perficienda collocaverunt. Isthic

1^{mo}. CLEOBULUS ipse unus e Sapientibus Rhodius genere, Lyndius patria tam nobilis, ut herculeo genere ortus esset; tam dives, ut Lyndiorum esset Dynasta, tam cupidus sapientiæ, ut ejus causa in Ægyptum navigavit; tam denique peritus ægyptiacæ doctrinæ, ut gryphos, seu ænigmata conscripsit. Cleobuli filia

2^{do}. EUMETIDES seu Cleobulina recte inter philosophatrices fœminas a Menagio numerata. Fœmina a natura quam studio, non similior patri, ænigmatis solvendis, carminibus sapientiæ maxime dedita, hic, ut res ipsius postulabat, præclare omnino piæta conspicitur. 3^{tio}.

neque percontari, si parum intellexerat, neque commentari, que audierat, fas erat novo Candidato.

Sed ad illud, notum jam omnibus, axioma $\alpha\gamma\tau\sigma\varsigma\ \epsilon\phi\zeta$. Hos jubebat in mensa dubia & saliari pythagoreos octulos pascere, manum abstinere; eosdem & somno brevi, & veste corporis vili, & durissimis ærumnis ac contemtu diu macerabat. At qui biennio saltē tacuissent, hi omnes genuini convictores, & mathematici & familiares fortasse etiam *Viri* appellati, coram videbant & audiebant *Pythagoram*. Quibus verba facere potestas erat, ex quibus alii dicebantur *Physici* qui de natura disserebant; alii *contemplatores* perfecti ac religiosi, qui in diviniore philosophia versabantur; alii *nomothetici*, qui leges civitatibus ferebant; alii *economici* & *politici*, qui curatores erant bonorum communium.

Fœminas quoque pythagoreas memorant veteres.

Ultimo doctrinam *Pythagoræ* excutiamus. Hic de moribus aperte præcepisse dicitur, de natura vero dogmata sua ne acusticis quidem, ne quidem alienis aperiebat, apud quos ægyptio more ænigmatis, symbolis, signis omnia obvolvebat, quæ symbola non initiatis: *ridicula, anilia nugisque & gerris plena*, videbantur; initiatis vero pythagoreis, quibus significatio sensusque patebat, profundam philosophiam exhibebant. Non licet autem arcana Pythagoræ dogmata distincte vulgare; nam quæ reliqua sunt illius societatis commentaria, veluti Penthei membra ab Henrico Stephano, a Thoma Parlaeo, a Jacobo Spondano, a Petro Victorio, qui versuram omnes fecerunt a Stobæo, in unum velut corpus efficta, non valde videri solent genuina, sed omnino aut magiore ex parte supposita a novis post Christum natum Pythagoræis.



3^{to}. Quam vivus studii diligentiaeque suæ mercedem sibi THALES MILESIUS *p)* postulaverat, ut inventor repertorum philosophicorum haberetur, ea illi mortuo justè est persolvenda, qui græcæ philosophiae via ac ratione traditæ auctor erat; ab hoc enim profecta philosophia omnis illa, qua se tantopere jactavit Græcia. Huic magna scientiarum ubertas refertur a Plutarcho, ut appareat non physicam solum, sed ethicam quoque scientiam illum habuisse comprehensam. Porro scientiæ Ecclipsium primum inventorem docet historia Astronomiæ.

4^{to}. Om̄issum equidem hic deprehendes ANAXIMANDRUM & ANAXIMENEM; at quartum scholæ jonicæ magnum Magistrum ANAXAGORAM *q)* deprehendes, de quo nihil non præclarum & eximium memorie proditum est; dignissimus profecto sapientis nomine, qui sapientiam omnibus bonis anteposuit.

5^{to}.

p) Thales Miletii in Jonia natus anno I. Olymp. 35. parentibus Examio & Cleobulina, qui civitate domicilioque graci coloni, gente vero Phœnices erant, ex illustri Thelidarum familia.

Thales admodum juvenis ad rempublicam accessisse fertur, quam recte & ex ordine gessit. Cælibem vitam duxit. Juvenis usus est familiaritate Thrasybuli, in administranda repùblica peritissimi. Amore sapientiæ ductus in Cretam navigavit, ubi mysteria religionesque nobiles Cretensium, in quibus Cosmogonia, doctrina scilicet naturæ latebat, diligentissime cognovit; trajecisse dicitur in Asiam, ubi siderum cognitionem perciperet. Senex in Ægyptum profectus philosophiam a Sacerdotibus meimphyticis & mathematicas disciplinas didicisse, testes sunt omnes de eo scriptores. Domum vero regressus, nutla conditione proposita, a studio contemplandi deduci potuit; ut qui sapientiæ dulcissimos fructus toties degustasset, a qua ne abduceretur, curam rei familiaris nepoti ex sorore commisit; ipse vero se totum ita literis tradidit, ut in foveam incederit, cum sidera contemplaretur; ab ancilla ideo irrigus, non videre, quæ ante pedes essent, cum vellet sidera pavidere.

q) Natus est Anaxagoras Crazomanis Eubulo, sive Hegeſibuto patre cum nobili tum opulento. In præclarissimo adolescentis ingenio tantus illico exstigit ad sapientiam impetus, tanta discendi aviditas, ut commodissima quæque bona, & incommodissima quæque mala doctrinæ postponeret. Primum enim paternas possessiones reliquit, quo expeditius divinae delectationi toto se dederet animo; cui illustri consilio addidere Græci dictum illustrius Anaxagoræ in patriam ab erudita peregrinatione restituti, possessionesque desertas videntis suas: *Non effem, inquit, salvus, nisi ista periissent.* Anaxagoras audiit Athenis Solonem, audit Anaximenes. Multa didicit a muta voce magistrorum Homeri, Hesiodi, Parmenidis, aliorumque Mythologicorum. Sunt etiam non pauci Auctores, Anaxagoram didicisse ab Hermotino mentem rerum omnium artificem; ita enim scribit Aristoteles.

Athe-

- 5to. Thaleti & Anaxagoræ adjunctus est summus ille Geometra ARCHIMEDES;
 r) quem cum referimus, apicem quendam humanæ subtilitatis, totiusque
 mathematicæ disciplinæ absolutionem animo concipimus. Præterea
 ommitti non potuit
- 6to. PLATO, s) cui cæteros inter fructus suos in acceptis refert Metaphysics
 scientia. Maxime Platoni erat propositum, ut discipulos ad prudentiam
 civi-

Athenas reversus ibi sive privatum, sive publice philosophiam profiteretur, discipu-
 los habuit præstantissimos. Periclem enim, de cuius discendi copia sic accepimus, ut cum
 contra voluntatem Atheniensium loqueretur pro salute patriæ severius, tamen id ipsum, quod ille
 contra populares homines diceret, populare omnibus & jucundum videretur, tantumque in eo vim
 fuisse, ut in eorum mentibus, qui audiissent, quasi aculeos quosdam relinqueret.

Et hunc eundem Periclem docuerat Dazomenius illi Anaxagoræ vir summus in ma-
 ximaru[m] rerum scientia. Periclis condiscipulos faciunt Euripidem, Socratem & The-
 mistoclem, ut facile conjectura etiam suspicari liceat, Anaxagoram etiam in doctrina
 civili, in jure, in poesi fuisse peritissimum. Hic igitur Anaxagoras, cum triginta annos
 totos philosophiam Athenis tradidisset, invidia & offensione Sacerdotum abire coac-
 tus est.

r) Archimedis admiranda inventa nobis prodidere Polybius, Plutarchus, Tzetez aliique; quem
 maxime servatum volebat Marcellus, Syracusa capta; is enim dum lineas in pulvere de-
 scriberet, neque satis attendens ad imperium militis, cæsus est. Honorifice quidem ab
 hostibus sepultus, & quo tantum modo poterat ejus celebrari memoria, celebrata est,
 sed nunquam satis celebrata tanto homine.

s) Plato natus est in Ægina, quo pater missus erat Olymp. 88. die septimo Targelionis,
 quem diem habuere deinceps honoratum festumque philosophi.

Patrem habuit Aristonem, matrem vero Perictionem, utrumque nobilissimum.
 Dictus est Plato a lati humeris, ut non nulli volunt; a parentibus enim Aristocles no-
 minatus est.

Platoni cum in cunis parvulo dormienti apes in labellis consedissent, responsum est, singu-
 lari illum suavitate orationis fore. Quod quidem responsum nonnisi post singularèm sua-
 vitatem orationis datum a platonicis recte suspicari possumus.

Platoni puerò acre in percipiendo ingenium erat, labor atque amor studendi.
 Dionysium literatorem, Aristonem Argum palestritam habuit, a quo instrueretur.
 Operam dedit picturæ, musicæ, poeticæ. At cum præ Homero Platonem suorum
 carminum pœniteret; ea igni dedit. Cum annum ageret vigesimum Plato, Socratis
 facundia commotus se totum philosophiae dieavit. In forum philosophicum deductus
 est a patre; qui dum Socratis domum esset cum adolescente ingressus, illico Socrates:
 hic inquit, ille erat cygnus de academia cupidinis. Commodum enim narraverat discipu-
 lis



civilem informaret, summam enim quandam civitatis bene temperatae in maxima ponebat omnium ordinum æquitate.

CON-

lis somnium : Cygni pullum sibi per quietem in gremium advolasse ab ara cupidinis in Academia. Quamvis res tota somnio sit similis, omittit tamen hic non debuit.

Annos octo singulari & observantia & charitate Socrati dedit operam, cui non defuit in rebus adversis ; cuius invidiae recentis cum bonam partem in se derivasset, Athenis relictis se ad Euclidem Megaras recepit, a quo dialecticam interea audiit. Ad hæc Author est Apulejus : *Platonem primum se ad Pythagoræ disciplinam contulisse*; *tum ad Theodorum Cyrenas, ut Geometriam disceret, esse profectum*; *deinde Astrologiam adusque Ægyptum ivisse, ut inde Prophetarum etiam ritus addisceret, & ad Italiam iterum venisse, & Pythagoreos fuisse sectatum*. Multi dant *Platoni* peregrinatori hæbreos magistros.

Réveniens in patriam scholam aperuit in Academia, suburbano gymnasio, ubi hortos patrios habuit, magno concursu juvenum, studia philosophica æmulantium ; quos intererant nobilissimi : Speusippus, Xenocrates, Aristoteles, Dioſyraſanus, Hyperides, Lycurgus, Demosthenes, Isocrates; discipulas vero habuit : Axiotheamphiasiam, & Laſtheniem mantineam ; qui mos deinde obtinuit in schola platonica erudiendarum faminarum.

Erat autem *Platoni* maxime propositum, ut discipulos ad prudentiam civilem informaret ; qua de causa de republica multa scripferat. Rogatus a Thebanis & Arcadibus, vellet legibus earum rempublicam constituere ; cuin de æquitate statuenda desperaret, ad eos non accessit ; Aristonymum familiarem misit ; at re incassa tamen Syracusios, Magriesianos, Eleosque legibus suis juvit in civitate constituenda.

Tacemus hoc loco de prima *Platonis* in Siciliam navigatione, illi omnino perniciosa ; præterius & alteram mali equidem exitus, ut & tertium in Siciliam iter adversum *Platoni*. Si nihilominus in his navigationibus rempublicam platonicam non condidit, illud tamen assecutus est, ut Syracusas tyrannide liberaret.

In Academiam sibi, musisque suis ille restitutus in juventute ad philosophiam recte informandam vitæ tempus reliquum consumpsit. Anno ætatis 81. vel in convivio, vel in museo placide animam reddidit.

Celebs qui vixerat non filios testamento hæredes, sed Adimantum reliquit, sepultus non procul ab Academia. Divini honores habiti mortuo, statua & ara positæ. Effigies insculpta nummis ; natalis dies consecratus ; a nonnullis etiam christianis in beatorum sedes vocatus. Moriens Speusippum dedit Academiæ magistrum. Multa & præclare scripta reliquit posteris vir magnus, excellenti animo, ac virtute.





CONSPECTUS X.

Porro penicillum libeat prosequi *Maulbertschii* Apellis, qui cum jaēta virtutis & vitiorum fundamenta symbola in diversis, nominatissimisque virorum effigiebus prius exhibuisset, nunc quomodo animum, humanumque cor, ut & illud melius habeat, fiatque ille liberalior, adumbraverit, filo historico continuatim insistens, tantisper specta. Et quidem

1^{mo}. Magnum illud Philosophorum lumen *SOCRATEM*, t) qui bellicosos Græcorum mores sua sapientia & virtutibus emollivit, tabula fistit videri talem, qualem historia posteritati reliquerat; quomodo nempe recte factorum vitæ totius curriculo fretus conscientia, fatale illud sibi portatum cicutæ poculum absque tergiversatione tranquille, ne dicam avide ebibat, venturi post mortem status melioris non vana spe suis, quos inter Xantippe morosa & jurgiosa illius uxor prope carcerem stat, relicta, an plane tradita. Quod

2^{do}.

t) *Socrates* princeps ille philosophiæ, cuius multiplex ratio disputandi, rerumque varietas, & ingenii magnitudo, Platonis memoria & literis consecrata, plura genera effecit disidentium philosophorum. Primus philosophiam devocavit de cælo, & in urbibus collocavit, & in domos etiam introduxit, & coegit de vita & moribus rebusque bonis & malis querere. Hæc una Tullii de Socrate magnifica testificatio, rationem causamque habet. Quamobrem *Socrates*, velut quidam philosophorum græcorum Deus, qui de vita, de salute, de innocentia, de probitate, de omnibus virtutibus esset optime meritus, haberetur.

Socrates civitate erat Atheniensis, pago Alopacensis, natus Sophronisco patre, matre vero Phænareta, die sexto Targellionis anno IV. Olymp. LXXVII.

Socratis pater lapidarius erat, mater obstetrix, natalis dies fuit deinde festus omnibus philosophis usque ad ætatem Plotini.

Paternam artem doctus *Socrates*, statuarium opus fecisse dicitur; opificio vero, quantum poterat, tempus suffuratus, philosophiæ dicabat. Deinde Critonis liberalitate & beneficio usus, optimis quibusvis id temporis doctoribus, qui Athenis mercatum agere inciperent, doctrinæ operam dedit. In geometricis Theodorum, in poeticis Euenium, in musicis juvenis quidem Damonem, senex vero Lampsonem, in rhetoricis Prodicum Sophistam audiit. Duabus etiam fæminis se discipulum dedit Diotinæ & Aspasia eruditioñis & eloquentiæ, quam pudicitiæ laude clarioribus. Philosophiæ magistrum



2^{do}. Monumento a carcere Socratis aliquantum remotiori significatur, est profecto sana illa videlicet doctrina: a morte cuiilibet hominum vel virtutis

habuit Anaxagoram; hoc exule Archelaum, cui ita ingenium & studium, & mores probavit, ut charissimum haberet *Socratem* Archelaus, comitem etiam in eo itinere, cum Samum, Pythonem atque Isthmum adiit. Is philosophus erat *Socrates*, qui vita potius, quam sermone philosophiam metiretur suam, quia tum intra arma, quam etiam intra domesticos parietes philosophabatur; nam stare solitus, pertinaci statu perdus atque pernox; stetit ad Potidæam a summo lucis ortu ad solem alterum orientem, inconveniens, immobilis, iisdem in vestigiis, & ore atque oculis eundem in locum directis, cogitabundus, tanquam quodam secessu mentis atque animi facto a corpore; illud deerat, ut stans pede in uno Indorum more philosopharetur.

Domi autem optimus erat paterfamilias *Socrates*, malum necessarium, unde plus sibi boni esset persuasus, uxorem Xantippe accepit. Quæ autem ferret a Xantippe iuria, ea utramque apud antiquos faciunt paginam, viris modernis scitu superfluam. Nos insignem propterea animi moderationem *Socrati* sublatam nolumus, quem ipsa Xantippe prædicare solita erat, eodem vultu semper se vidisse exeunte domo, & revertentem.

Ergo mulier morosa & jurgiosa viri cum acueret virtutem, *Socratem* virum civemque bonum faciebat; erat enim adeo religiosus, ut sine Deorum consilio nihil ageret. Eximium autem *Socratis* munus & velut insignis nota quidam Genius erat, qui *Socrati* præfuisse ab omnibus antiquis dicitur, qui tamen cuiusmodi esset, a nemine probabili argumento asseritur. Quæ officia Genius præstaret *Socrati*, huc omnia redeunt: Luinen rebus obscuris, & quas non assequatur humana prudentia, genium *Socrati* accendisse, hæc faceret, illa omitteret præcepisse; quæ genio assensus exequeretur *Socrates*, ei bene evenisse, a genio suo nunquam delusum fuisse.

Ad doctrinam *Socratis* non inviti genio, sed relicto tamen veniamus. Hanc fuisse pertenuem Porphyrius cavillabatur, cum alii omnes, maxime vero Tullius, sumمام fuisse scripserint. Tantæ *Socratis*, tamque laudatae Diis hominibusque plaudentibus sapientiæ non notus ille Sophistarum fastus inerat; non argutis cavillis, non magnificis de natura disputationibus, non aperta schola, non pacta mercede, non e cathedra eminentiore, non quæsita sermonis gravitate philosophabatur. Quam vero civilis disputandi ratio, quam abhorrens ab illa Sophistarum superbia, ab hac etiam orationis arduitate & jejuna anima, quæ hodie multis in ore philosophis est! *Socrates* usus faceta & eleganti ironia, de se ipso detrahens in disputatione, plus tribuebat illis, quos volebat refellere, quosque propterea veluti ipse vixtus propriis verbis convincebat. Adhibebat etiam inductionem, populare sane disputandi genus. Inductio enim, secundum Quintilianum, est oratio, quæ rebus non dubiis captat assensionem ejus, quicunq; instituta est; quibus assensionibus facit, ut illi dubia quedam res propter similitudinem earum rerum, quibus assensit, probetur. Atque hæc doctrinæ, & solida & popularis tradendæ ratio, populum *Socrati* conciliavit; Sophistas, quos nullo loco consistere patiebatur, verbis & magnifica sapientiae ostentatione eruditos, re ipsa ignarissimos, rabulasque philosophatores vehementer



tutis præmium, vel vitiorum pœnam expectandam, nulloque modo transmigrationem animarum, a pythagoreis, & tot aliis venditataam, locum obtinere posse.

CONSPEC-

menter a se alienavit; *cotum enim doctorum, qui publice magistros se profitentur, est genus irritabile in eos, si qui contra cornua tollunt, si qui etiam non demittunt auriculas, ut inique mentis asellus.* Itaque cum a Sophistis discipulos abduceret *Socrates*, est ipse ab Anyto, Melitoque ductus in jus, accusatusque per summum nefas eo nomine: quod Deos patios non coleret, Deos peregrinos induceret, juventutem nova religione, doctrinaque corrumperet.

Multa & fecit & dixit in eo judicio *Socrates*, quibus meliora non aliis dedit philosophia; tamen jussus, venenum bibit.

Mortuo *Socrati* justa persolverunt amici veste lugubri; qui sane, quamquam Athenis primum excessissent, tamen, cum civitas ad se rediisset, in patriam sunt revocati; inimici contra publico odio invisi brevi pœnas cum sanguine dedere. Civitas statuam æneam *Socrati* decrevit, nec tamen injuriæ publicas pœnas: peste, aliisque vexata calamitatibus, effugit. E vivis abiens *Socrates* monumenta (gloriæ ære perenniora) & in animis civium, & in sapientia suorum discipulorum reliquit; et si enim scripta nulla *Socratis* reliqua fuerint, doctrina tamen hodie dum viget, literis & memoria cum Platonis, tum vero Xenophontis consecrata; vel ideo, etiam si ipse *Socrates* ex scriptis taceat, nulla unquam de ejus doctrina conquiescat posteritas. Fuit quidem ille omnibus doctrinarum mysteriis initiatus, sed ea duntaxat arcana vulgavit ethicæ philosophiæ, quæ bono suis civibus essent futura. Quodsi quis majora, quam pro sapientia humana, vellet assequi, ei dabat hoc consilii: *ut divinationi operam daret.*

Quam vero sæpe, quamque multis opus est altero *Socrate!* — qui eos ab inani & otiosa philosophia, ab eristica potissimum Logica deduceret, quæ tempus omne vite debitum gravioribus curis & studiis solet consumere. Et tamen ex institutione, disciplinaque Socratica non pauciores reipublicæ literariæ, quam Græciæ quondam ex equo trojano, principes existere; ut enim eos prætereamus, quos Xenophon, quos Plato in sermonibus Socraticis inducunt loquentes, qui fere sunt *Socratis* auditores, Critonem, Critobulum, Hermogenem, Epigenem, Diodorum, Euthydemum, Eutherum, Aristarchum, Critium, Alcibiadem, Lysiam, Evenum & Euripidem, quos omnino *Socrates* mores potius quam sermones docuerit philosophicos; ut inquam hos aliquos prætereamus multos, tamen quod ex *Socratis* variis & diversis, & in omnem partem diffusis disputationibus alius aliud adprehenderat, præseminatæ sunt quasi familiæ, dissentientes inter se & multum disjectæ, & disparæ. (teste Tullio)

Præseminatæ autem sunt hæ familiæ per auditores Socraticos, & cyrenaica per Ariippum, & eliaca per Phœdonem, & niegarica per Eylidem, & academica per Platonem, & cynica per Aristotelem. Quæ tametsi socraticæ dici vellent, & esse arbitrarentur; tamen jure amisere nomen, quod adoptatae in aliam veluti domum fuissent. Socratici illi



CONSPECTUS XI.

Quotquot hic referuntur, quosve tot per saecula, dissimillimis in regionibus inter se ceterum discrepantes, mundus unquam habuit sublimes spiritus, in ea tamen principe doctrina convenere omnes: sumnum quoddam ens agnoscendum esse, adorandumque.

Et quidem eousque pertigit humanus soli sibi relictus intellectus, donec feliciori contigit revelationis divinæ lumine illustrari.

Quidni! quem enim ad imaginem & similitudinem suam creavit hominem, opus manuum suarum, odio habere non potuit, rerum omnium Creator; quin secundum semen excitaret, & cuivis ætati servaret illustrium, in quibus sibi complacuisset, virorum, quos tum mysteriis præpararet, erudiretque, tum qui revelationibus ac promissionibus in cognitionem venirent, ducerentque alios sublimioris illius finis, ob quem conditus est homo.

Hos antiqui testamenti viros principes ad ingressum principalem Aulæ nostræ librariæ, Maulbertschii præsentat penicillus, nempe

I^{mo}. In primo generis humani servatore NOEMO u) arcæ a se fabricatae acclinato, supra quam columbam indidem missam, atque ramum oleæ recentem

illi merito dicti sunt, qui ad plebem philosophicam non transivere, Xenophon, Æschines, Cebes, Simon, Crito, Plaudo, Simmias.

Quicunque tamen a schola Socratis profecti fuere philosophi, si omnes in unum locum conferrentur; vix cum uno Platone conferendi videbuntur, qui tantum inter alios Socraticos caput efferre, quo jure, quaue injuria visus est antiquis:

Quantum lenta solent inter viburna cupressi.

u) *Noeum virum hunc (qui solus & unicus de Sethi sanguine in Dei obsequio perstitit, pius & justus) seposuerat Deus, qui in familiam suam inspiraret virtutem, ut in una nimis*



tem adferentem simul intuere, una cum arcu cœlesti ; qui cum tantum fuit a natura signum pluviae, factus est tesseræ nobilior fœderis Deum inter & hominem, fidequejussor institutus, ne unquam simili eluvione universum terrarum orbem inundaret Deus.

2^{do}. In ABRAHAMO w) filium suum unigenitum omnipotenti immolare paratissimo, Magistro circumcisionis, novi fœderis principe.

3^{tio.}

nimirum stirpe vera vigeret, servareturque religio. Huic ergo arca intra annos centum viginti construenda a Deo demandata est, quæ totius mundi reliquias caperet. Hic ille primus generis humani servator, verus & genuinus Christi typus fuit, cum uterque mundum ligno servarit. Hic vir duarum ætatum vidit mori mundum unum, & nasci alterum, ipse reparator mundi, & pene sui; ex arca, quasi ex altera matre substituit novum mundum, & pone genuit.

Nolumus cathedrali cuiusdam philosophi phantasmata adducere, qui *Noemum* asseruit, in arca fluctuante, quod forte abundaret otio, suis philosophiæ scholas habuisse. Illud nihilominus existimamus: eum, qui *Noemo* detrahere ausit vel eximiam sapientiam (ne semper vulgarem philosophiam loquamur) vel singulare quoddam sapientiæ propagandæ studiuim, eum de providentia Dei erga hominum genus parum religiose, de communi hominum conservatore, parum pie, aut etiam paulo magis impenite cogitaturum.

A *Noemo* suos edictos fuisse, profecto non precario sumi, sed tuto affirmari potest, quem B. Petrus epist. II. c. 12. justitiae præconem adpellavit. Præterimus hoc loco compendium juris naturalis, Saldenus de J. Nat. & gent. juxta discipl. hebr. quod apud Judæos Lex Noachidarum, vel septem præcepta Noachitica inscriptum, circumferri solet, quod critici nondum constanter *Noemo* abjudicarunt. Nihil dicemus de arce fabricatione ad dimensiones mathematicas fideliter exacta Nihil de delectu animalium mundorum & immundorum. Illud unum in philosophiæ patrocinium afferimus: *Noemum* multa didicisse divinitus; fuisse vatem, qui tanto præstantior ea de causa fuerit philosophus, quanto magis & sapientia illi erat opus, & præceptore Deo utebatur, quem que præcepérat, eundem & scire manifeste Chrysostomus arbitratus est. Homil. 24. in Gen. Sed infiniti esseimus, si puncta singula colligere vellennus.

w) Abrahami illustrissimi credentium parentis elogium a magno oratore Ambroſio pensamus: Vir plane magnus *Abrahamus*, & nemo ante illum major; eum philosophia votis suis æquare non potuit, minus est, quod illa finxit, quam quod ille gessit; prævenit factis dicta Sapientum, & quod illi dixerunt, ille gessit; exire jussus ex Chaldaea, cui sidera Deus erant, exivit, & secutus Authorem siderum Deum, nec sine mercede, cui Deus ipse merces fuit.

Tres



3^{to}. Abrahamo junctus JACOBUS est; x) duodecim liberorum, & totidem populorum pater.

Jam

Tres aliquando vidit, & unum adoravit; tres erant, atque ex tribus unus, olim erat *Abrahami* nepos & avus. Extendit nomen *Abrahami* Deus, & unde cresceret, adjectit de suo.

Auctus filio, & jussus immolare spes suas, credens supra fidem, & sperans ultra spem, cæca obedientia — id parabat facere, quod facturus erat Deus. Invidit homini hoc privilegium Deus, prohibuit, ne id faceret, quod erat ipse facturus; reservaverat sibi hunc honorem Pater æternus, Patrem esse, — & unigenitum immolare! *P. Labbe.*

Hunc igitur *Abrahamum*, quem Eusebius sapientissimum demonstravit, de quo Josephus testatur: Ægyptios ab *Abrahamo* doctos Astronomiam fuisse, & Arithmeticam; cui Eupolemus dixit testimonium: *Cum sapientia omnes vinceret, Astronomiam pariter & chaldaicam invenisse.*

De quo orphica illa carmina:

Nemo illum novit, mortalia cuncta regente;

Unicus ille, nisi chaldæo sanguine cretus,

Norat enim solus, qua se lege rotaret,

Et circum terram magnus se volveret orbis,

Æqualisque, teresque, intus sita complectens. — —

Dubium igitur nulli esse potest, eum non modo philosophum, hoc tamen gravi dignum nomine, quin immo philosophiam veluti hæreditariam genti suæ reliquisse.

x) *Jacobus*, de quo multa nobis protulit Menochius, vir sane in omnibus literis eruditior, quam cuius conjecturas (frivolas ratiunculas) audeat dicere is, qui sœpe calcem sine arena adhibere solitus est.

Intra uterum matris dum luctabantur gemelli, & duobus liberis mater una non suffecit; nondum nati, de natu jam disputatione; exiit secundus *Jacob*, brevi primus futurus. Emit is privilegium vili esca, cui etiam frater vendidit. Benedictionem quoque mysterio aquisivit, non mendacio, excideratque majoratu frater, cum illum vendidit. Victor fratris ausus est luctare cum Deo, & pene æqualis ænulus nec victor nec vinctus, missionem ab ænulo accepit & dedit. Ipse etiam hominis somnus mysterium fuit; schalam vidit utraque parte attingentem Deum; impositus erat fastigio Deus, & basi suppositus, medii angeli a Deo ascenderant ad Deum; ibat cum angelis *Jacob*, & pene angelus erat. Pastor inter oves, & ovis inter pastores, fecit locupletem Labanum, & se divitem; deceptus in Lia amavit tamen uxorem, & fraudem, in Rachele vero conjugium & mysterium.

Pater



Jam ad centrum fornicis ibi desigendus est cum obtutu animus, ubi

4^{to}. Tabernaculum & sanctuarium apparatu singulari, qui religionem visu ipso excitaret, hoc est: Arca, propitiatorium, ibi denique mensa, in qua positi sunt panes, candelabrum & altaria conspicienda sistuntur; quæ omnia non male templum portatile repræsentabant, & erranti populo Israel per deserta, religiosa hæc machina a Deo ipso ordinata sufficiens erat ad externum religionis cultum præstandum; hæc omnia olim ex auro lignisque pretiosis constructa erant.

A finistra hujus arcæ

5^{to}. Moyses ^{y)} providentia Dei alumnus, in regium infantem, & pene in regem adoptatus, ex pastore ovium pastor hominum, qui ex rubo loquen-

Pater duodecim liberorum & totidem populorum fuit; bis mortuus in duobus, dum illis caruit; bis revixit, dum illos invenit; denique mortuus divisit filiis terram adhuc non suam; scripsit testamentum, futurum rerum mysterium; vidit fines temporis, & limites æternitatis; vidit nepotes futuros, & inter illos nepotem Deum.
L. Ab.

Siquidem vero hæc e sacris literis desumpta non sufficerent, profanis illud addimus: vim arcanam phantasie in conformanda prole *Jacobo* adeo fuisse notam, ut nemini deinceps philosophorum, tanto temporum intervallo, tot tantisque machinis experientisque exhibitis notior fuerit; novimus enim illud unum, quod præceperat animo *Jacobus*, ad fœtus vim, naturamque effingendam multum valere defixam animi cogitationem; causam, cur tantopere valeat, novisset forte *Jacobus* sive Deo, sive natura.

Nos certe, cum verum amamus, videri nos velle scire, cum re ipsa nesciamus, confiteamur.

y) Et quidem *Moyses* ille antiquissimus omnium scriptor, sanctissimus legumlator, naturæ totius contemplator; qui unus ex omnium sapientum numero, arcanis illius Artificis fuerit admissus, jure philosophorum omnium dicit familiam.

Sive enim profanam cogites doctrinam, eruditus est *Moyses* omni sapientia Ægyptiorum, apud quos sedem imperii sui hæc, quæ Ethnicis dicitur philosophia, olim habebat; sive divinam philosophiam in alijs: quæ una est, & dici potest sapientia (maxime vero his temporibus nostris) profecto tantum in ea præstigit *Moyses*, ut si quid de natura veri, si quid sani, tot sæculorum, quæ consecuta sunt, spatio experimenta patescerint, id omne simplicem illam *Moyses*, ac propterea verissimam orationem, ac philosophiam de principiis, de elementis, de generatione rerum mirifice confirmaverit.

Cur autem quidam criticorum oracula sacra non acceptaverit? cur eidem *Moyses* nec dux proprio populi, nec legislator proprio dictus dici potest? cur reipublicæ formam a viris doctis *Theocraticam* quidem recte appellari afferat? cedipo non indigemus. Sed



quentem audivit Deum, Legatus Dei, & fere Deus Pharaonis factus, ac ut accepta lege digito Dei scripta ex apice Sinai singulatim edocetus, post tot cum Deo colloquia, cum radiis duobus, quasi duobus cornibus, indiciis hujus divini colloquii, relictis, quibus augustior & venerabilior efficeretur, ita hic adumbratus etiam visendus proponitur; — an non dignus tali disciplina tantæ gentis Magister & Rector?

Ad dextram vero Mosis

6to. AARONEM ad pontificatum & cultum Numini externum vocatum, in suis pretiosis assignatis vestibus, tantæ dignitati respondentibus, contemplemur; cuius ex parte una, vas absynthio coopertum, ibi ad candelabrum genios biros, summæ non modo venerationis, sed & admirationis industria prodentes, deprehendimus.

Non

hos & similes profecto paucis querimus: *Theocraticam* satisne animo informaverat *Mosæ*? satisne principia, satis consequentes *Theocratiæ* noverat? An quod Deum sequeretur sibi singula præcipientem, idcirco minus five præcepta cognoscebat, five cum ea bene nosset, appellandus est philosophus? Quasi vero qui præceperit: *Sequere Deum* (Tull. III. de finibus) philosophus fuerit sola sententia; qui vero *Mosæ* re ipsa sit Deum secutus Duceat, non fuerit philosophus. Sed hos abire sinamus criticos, qui vatem nullum sinunt esse sapientem.

Ad eruditos testes veniamus, quorum paucis (sunt enim infiniti) testimonium denuntiabiimus. Clemens Alexandrinus Strom. L. I. testimonium dicet: *Arithmeticam & Geometriam, & rhythmicam, & harmoniam, & medicinam doctum fuisse Mosen ab iis, qui erant insignes apud Aegyptios.* Philo Judæus de vita *Mosys* hoc ipsum dabit testimonium, addet etiam: *Mosen summum philosophiae fastigium asscutum oraculo de præcipuis naturæ arcuatis edocatum.*

Eusebius Lib. 9, & II. tabulas, auctoritates, literas cum undique comparatas recitaverit, hoc etiam adjicit: *Moses sapiens legislator & dialecticus.* Multa denique Rabbinorum veniet manus auxilio, & hosce criticalstros religioni omni inimicos veluti *Judæi cogemus in hanc concedere turbam.*

Ex his enim Ischmael, nescio quis, recitat leges dialecticæ Mosaicæ. l. Solff. Bibl. Heb. T. II. Struvius Rud. log. Hebr. quæ si somnia sunt, propterea tota *Mosæ* philosophia erit volucri simillima somno.

Quin immo metuendum est: ne cui istorum, ab impio Judæo Spinoza pantheista ruin, nimis philosophus *Mosæ* videatur.

Quid ita vero dicat aliquis? nempe Eupolemus Euf. lib. IX. Præp. Evang. Judæus scriptor hæc habet verba: *Mosen primam fuisse sapientem.* At certe primus ille non fuit; nempe Artabanus apud Euseb. hæc habet: *Mossem . . . philosophiam invenisse:* quam ab aliis didicerat; nempe Diodorus siculus Bib. l. 40. cuius testimonium Photius asser-

Non procul ab Aarone

7^{mo}. Virum illum veste militari ornatum, & vexillum leonis effigie insignitum, tribui Iuda proprio symbolo, manigerentem, Ducem Israelis & terræ promissæ subactorem Josuam, 2) quasi adhuc publice in comitiis generalibus populum admoneret, ut religioni constanter, fœderique solemni Deum inter & Israelitas inito, renovatoque, fideles manerent, contemplemur.

Tum loco paululum inferiore

8^{vo}. DAVIDEM aa) laudes Dei veri psallentem; quas illo nemo nobilius cecinit,

asservavit Cod. 244. scripsit: *imagines Deorum omnino non sculpsit Moses, quod putat humana non videri forma Deum, sed Cælum hoc, quod ambit omnia, Deum ipsum esse, quod tamen non Deum, sed Dei opus Moses habuit.* Nempe meinoriæ prodidit Strabo lib. 16. *Mosem docuisse: Id solum esse Deum, quod nos — & terram, & mare continet: quod cælum & mundum, & rerum omnium naturam appellamus;* — quasi vero Stoicus fuisset *Moses*.

Quæ quam longe sint omnia a vera ratione repulsa! nec enim *Moses*, qui sapientiam ab Ægyptiis didicerat, aut primus philosophus, aut philosophiæ inventor esse potuit; nec qui cælum a Deo factum scripserit, totamque rerum suminam e nihilo conditam docuerit, is *hoc quod ambit omnia, Deum esse insinierit.* Itaque *Moses* bono modo tantum, quantum fatis erat, philosophus fuisse videtur; quæ in eorum gratiam dicta sunt, qui cum omnia scire, & se solos supra vulgus sapere credunt, discant primum profana a sacris segregare, & secundum sanæ criticæ leges deinceps sententiam non ferre prius, quam cum solidæ eruditionis fontes inter se combinare sciant!

z) *Josuas vir fortis ac bonus imperator, merito ducibus omnibus anteponendus, utpote cui non homines modo, sed & astra paruerint, pluresque occiderit Reges, quam plerique alij milites interemerint; a cuius morte Seniores populum rexerunt sub specie Xystoxpatias seu verius Georgatias.*

aa) *Davidem* talēm habes, de quo non loqui piaculum esset, & aliter loqui, quam S. Ambrosius de eo locutus est, temeritas. *David* fortis bello, patiens in adversis, in Hierusalem pacificus, in victoria mansuetus, in peccato dolens, in senectute providus, rerum modos, vices temporum per singularum sonos servavit atatum, ut omnino videatur non minus vivendi genere, quam canendi suavitate prædulcis, moralem Deo suo fuisse meriti cantilenam.

Scite illud dictum; nam tota *Davidis* vita harmonia quædam est ad cœlestes numeros instructa. Nemo magnus sine Deo maximo nascitur. Infuderat se illi a puero divina mens grandium operum actrix, moderatrixque virtutum. Aptum animo corpus, validum robore forma ac decore florens, os alloquio blandum, & undique spirans, in



nit, & quæ adhuc a nobis laudes, quas cecinit, canuntur, hominibus amabilem, Numini acceptissimum, de quo Rege facto, Deus ipse merito

hominum consuetudine gratia, animus semper erectus, nec gestiens in prosperis, nec adversis impar, omnia fortiter facere, & suaviter pati didicerat.

Deus illum adhuc insciuum aulæ, & regno apparabat; nam pugnare & psallere, quæ tum artes in pretio erant, apprime noverat. Robur in aggressi vita, cum leonibus ursisque exercitum, detulit in castra, nec destitit fratrum etiam amulorum invidia presus ostentare se, & in uno Goliate multos exercitus Philistinorum prosternere. Quæcunque Dei favor in singulos ad claritatem spargit, in unum congeserat. Ecce vidi, ait ille I. Reg. 16. & 18. filium Isai Bethlehemitem scientem psallere, & fortissimum robore, & virum bellicosum, & prudentem in verbis, & virum pulchrum, & Dominus est cum eo.

Prudentia & fortitudo Davidis. Hæc primo amorem Saulis, deinde invidiam accendere. Magnus & diutinus Davidi fuit cum illo conflictus, in quo ingens prudentiae & fortitudinis specimen edidit. Poterat apertis armis persecutorem jam ipse unctus laceſſere, emollire maluit; atrox illi via ad regnum videbatur per civium cadavera, civilesque flaminas scandere, expectare potius fuit diadema, quam præripere; nam & periculose erat, Saulem jam firmata potentia stabilem, sceptrum filii & opibus auctum aggredi; deinde si occumberet, funestum, si superaret, invidiosum; contentus se voranti flammæ ſubripere, ſalutem fugæ, non gladio mandare.

Clementia. Culmen istud gloriæ fuit, inimicum inermem deprehendisse, & cum uno iectu & in capite uno posset tot dolorum fibras amputare, continuuit manum, vel potius consecravit, ea mansuetudine usus, quam miraretur hostis, & suo ipse dignam imperio prædicaret. Sic edixit principibus turpia & infirma, quæ sceleribus regna pararentur, quæ virtutibus gloria, & stabili felicitate fundata.

Continuit patriis finibus fugam, quantum licuit per amicissimum Jo-natham, Saule ſæpius delinito, ubi implacabilem, & in perniciem suam trucem agnovit. Ad exterros reges confugit, nec tunc hostis patriæ, cum hostiliter in eum omnia molirentur. Servabat ſe melioribus fatis, culmen aliquando regni futurus, cuius tum adversarius ab inimicis audiebat.

Quantum tum prudentiæ fuit ſic omnia moderari, ut ſuis parceret, nec tamen offensos Sauli regulos irritaret. Sciebat ſuceptum timidis ingenium tyrannis, & certissimum magnis ſæpe virtutibus exitium, idecirco ſimulata apud regem Achim prudentiſſime ſtultitia, caput ſervavit, rebusque afflictis consuluit.

Eripiebat Sauli magnum certe præjudicium, cum ipſe ab eo ſe move-ret; ſed furere rex impius magis quam placari ſtudebat. Postquam a Phi-listi-

rito gloriatus est , habes ex una , ex altera vero parte ipsius filium
9^{no.}

listinorum exercitu rex victus & cæsus , *David* omnia sancte præstítit , quæ politico vir ingenio simulate fecisset . Tum nullum animi exultantis motum prodere , jejunare , flere , luctum omnibus acerbum indicere , eum occidere , qui Sauli mori volenti manum commodaret . Domum ejus afflictam suo simu colligere , regiæ sobolis homicidas persequi ; non irrumperet in thronum , quem successor imbellis & cunctemus obtinebat ; expectare fata lentis animis , honorem firmare magis quam præcipitare . Hæc *Davide* , hæc æternis laudibus digna prudentia , digna clementia !

Ubi vero pacato jam regno potitus est sceptro , quod delatum ultra ab omnibus magis quam ab ipso quæsumum , id omnino magnifice tractavit .

Religio. Videbat imprimis gentem supra cæteras orbis nationes religioni addictam ; hanc conservare , augere , illustrare vehementissime studuit . Sic enim conscientiæ , sic gloriæ consulebat , Deum propitium , & dociles habiturum populos , quos Numinis metus intra officium coerceret . Inde illi singularis erga Prophetas & Sacerdotes observantia ! inde famosa illius arcæ suis sedibus restituendæ studium & labor ! inde maximi orbis terrarum templi molitio jam mente concepta ! inde divinum psalmorum opus , tot chori musicorum , tot instrumentorum copia ! Sic piorum mentes allexit , deineruitque sacerdotes , quibus magna in religiosa plebe Auctoritas .

Politia. Ne tamen solis pontificibus ac sacris natus videretur , nobiles ad se traxit admiratione roboris , & pervigili armorum studio , peritiaque consummata . Gentes vicinas , cum quibus diu collectatus fuit populus Dei , aut allexit , aut domuit ; arma in omnem plagam circumtulit , & suis victoriis illustravit . Ab ortu Mœbitias & Ammonitas expugnavit ; ab occasu Phœnices & Philistinos ; a meridie Amalechitas , Arabes , Idumæos ; a septentrione Syros , Damascenos , Sabathæos , Mesopotamios .

Mox cuncta bellis exteris fessa otii dulcedine recreavit ; magnificam sibi Hierosolymis sedem constituit , unde in omnes imperii regiones rectorem spiritum diffunderet . Civilia firmis legibus adstrinxit , præmiis & pa-nis ex æquo ad blandimentum & terrorem propositis ; erga strenuos munificus , adversus improbos nec extra justitiam misericors , nec extra misericordiam justus . Sagax circa fiscum cura , agere magna , & acta tueri docuerat , annis haud ita multis acceptum de sylvis , & pastorali vita sceptrum improvisa humanis consiliis claritudine decoravit . Hæc procul dubio magna , & faculsi omnibus visenda conspicuntur in *Davide* , quandiu inspiranti Deo pareret .

Lapsus Davidis. At ubi relietus sibi , & a mente divina destitutus , suos habuit nœvostantum fidus ! quædam improbe meritus , quædam etiam passus demisse .

Boni-



9^{no}. Candido splendicante, tanta maiestate digno, decoratum amictu, Regum sapientia.

Bonitas illi agnata in partem nimiae facilitatis aliquando degeneravit. In mulierum amorem non tantum pronus, sed fævus in Uria fuit, quem Bethsabæa uxore raptæ, suæ libidini innocentissimam victimam immolavit. Inde Numinis iræ ultrices longo squalore pœnitentiaz, multisque lachrymis expiatæ.

Defluxit in familiam patris exemplum Ammone stuprum sorori Thamar inferente, quem nec ipse pœnis coercuit, supina erga liberos indulgentia. Hinc ulti Absolonis gladius paternam domum foedo parricidio cruentavit, majora tum ausus, & meliori *Davidis* ingenio spes accensas fovenſ in thronum ejus violentus & ferox conatur irrumpere. Ad hunc numerum miserandus senex constantia prostrata omnia timide, & flebiliter gessit; terrorem, quem animi praesentia aliis minuere debebat, auxit sibi primaria urbe dimissa, & palatio concubinis relicto, quod scilicet rex imbellis tueretur; non tantum fugit, sed humili & precipitata fuga, totaque infidiis exposita, nisi divina vis conselerati filii mentem & consilia confudisset. — Omnia illi pessum ruere, nisi Joab mœrentem erexisset, vel animasset semi-mortuum.

Habuit præterea (*quod multis Principibus fatale est, & noxiun*) amicos jam factos negligere, faciendo ardenter colere. Joabum, qui nutantem illi & iamjam lapsuram capiti coronam asseruerat, destituere mens fuit, ut Amaseam rebellis militiaz sub Absolone ducem ejus in locum reponeret; quæ res furias veteris amici tantum accedit, ut ænulum interficeret. Jam Zibum perfidiosissimum Saulis servum contra dominium Mephibozetum audiuit, & indicta causa damnavit innocentem. Amantissimi Jonathæ scilicet filium bonis omnibus exutum domestico & procuratori perperam mentienti in prædam tradidit, munusculis quibusdam ab eo delinitus; cunque fraudem introspexisset, abstinuit a scelerati pœnis: socordi tum justitia jubens cuin domino dividere. Excusat Tostatus, quod verecundum fuisset regi, factum infectum reddere; sed peccati misera defensio est, id velle semper factum, quod semel male feceris! Non mirum est, si principes saxe lateat veritas; sed crimen est, si agnitam verecundia premant, præsertim in bonis alterius restituendis, ubi tamdiu manet culpa, quamdiu denegatur justitia. Xerxes apud Herodotum excusat se, quod inconsulte & juveniliter unum ex Senatoribus suis senem & verecundum dictis carpsisset: inde uberior gloria, quæ per modestiam venit.

De Abnero quis *Davidem* excusat, nisi ad divina placita confugiatur? Extrema quoque *Davidis* carpere in morte Joabi, Semeique plerisque animus fuit; sed satius fuerat tanti viri cineribus velum obtendere. Joabi cædem ad rem status Theodoreetus refert, dum occisum memorat, quod Salomonis

in



sapientissimum SALOMONEM *bb)* librum exhibentem sapientię, cuius viæ
æter-

in thronum conscedenti obtrudere se, & res pacatas turbare destinarat; in Semei vero, quam servabat fidem, intra personam suam continuit, nec sacramentum libuit in filium extendere.

Ad summum si qui *Davidis* lapsus infinitis virtutibus obruuntur, & hos in omnibus fere permittit Deus, ut solus Rex saeculorum ab omni errore & labo imminutus cum profusi animi veneratione cognoscatur.

bb) De *Salomone* sicut si quis inter legendos philosophos taceret, insignem injuriā ipsi sapientię intulisse videretur; ita etiam si in arte magister Maulbertschius *Salomonem* omisisset, omnes priores philosophos simul omittendos necessario habuisset.

Sapientia namque in uno *Salomone* instituendo omnem vim suam visa est contulisse: *Magnificatus est rex Salomon super reges terræ*, non modo *divitiis*, sed etiam *sapientia*, lib. III. reg. quem Ecclesiasticus cap. 47. est in hunc modum allocutus: *Eruditus es in juventute tua, & impletus es quasi flumen sapientia in cantilenis, & proverbiis, & comparationibus, & interpretationibus miratæ sunt terre, & in nomine Dei, cui est cognomen Deus Israel.*

Quid ille locus e libris regum III. c. 4. ? *Præcedebat sapientia Salomonis sapientiam omnium Orientalium, & Egyptianorum, & erat sapientior cunctis hominibus . . . locutus est quoque Salomon tria millia parabolæ.* Disputavit super lignis a cedro, que est in Libano, usque ad hyssopum, quæ egreditur de pariete, & differuit de jumentis & volucribus, & reptilibus & piscibus.

Hic jam scire velim, quid demum in ullo Græciæ philosopho habeamus, quod in *Salomone* desideremus? Nemo de officiis, de moribus nemo, nemo de civitatis statu sapientius scripsit, nemo illam sapientiam, divinamque philosophiam, quæ in libris *Salomonis* continetur, in *Canticis*, in *Proverbiis*, in *Ecclesiaste*, quæ certe sunt illius scripta, non dicam assecutus, sed ne initiatus quidem est inter tot tantosque Græciæ philosophos.

De illis vero rerum phisicarum scriptis, quæ perierant, si ex aliis aliis generis conjecturam facimus, possuntus profecto eos ejusmodi putare, quibus nihil simile tota philosophorum natio deinceps aliquando protulerit.

Abjudicemus sane illa scripta supposita *Salomoni*, qui alienis, quibus ornaret se, non eget exuvii; psalterium ab Andrea Schotto S. J. psalmorum octodecim Augustæ Vindelicorum inventum, & ab alio latine factum. Abjudicemus *Epistolas*, quas apud Eusebium in præpar. Evang. L. IX. recitat Eupolemus; abjudicemus, quos vel suppositos, vel expositos libros meminit Fabricius.

Verumtamen nec sine temeritate negare, nec sine flagitio prodix̄ religionis possumus dubitare, quin *Salomo* philosophus fuerit insignis.



æternæ per ipsum revelatæ sunt; & sublimem illum Canticorum, juxta se posse.

Nihilominus quam timenda sint ubique Dei dona etiam optantibus in *Salomone* ipso deprehenditur, cuius initia cœlestis orditur favor, & sequuntur progressus initibus pares, extrema horrore & silentio reservata.

Laudanda in eo mens bona, quam a Deo sortitus fuerat a teneris; donum inæstimabile est, præsertim in regiis pueris, odisse malum, in bonum propendere, ferri in sapientiam, virtutesque præclaras, ingenii tractabilitate, veluti cereum amplecti, ut agit Apostolus, quæcumque sunt vera, quæcumque pudica, quæcumque justa, quæcumque sancta, quæcumque amabilia, quæcumque bonæ famæ. Hæc *Salomon* mirifice præstítit educatus in optimi parentis sinu.

Prima vero pars virtutis est, scire quid facere debeas; inhæsit illi ab adolescentia fitientissimus amor veri, & continuum discendi, atque proficiendi studium, tum scientiæ æstimatio immensa, quod ipse testatur Sap. 7. Optavi, & datus est mihi sensus; & invocavi, & venit in me spiritus sapientiæ, & proposui illam regnis & sedibus, & divitias nibil duxi in comparatione illius. Super salutem & speciem dilexi eam, & proposui pro luce habere illam, quoniam inexstinquibile est lumen illius.

Accedit zelus justitiæ, & in disquirenda rerum veritate sagacitas, quam etiam in famosa duarum mulierum concertatione in vindiciis infantis prodidit.

Mox omnium admirationem rapit ingentium operum consumatio, substructiones templi, & ædium regiarum magnificentissimæ, divinorum librorum editiones, qui se-pultis marmoribus exstant superstites. Majestas regno primum asserta, vitæ splendor popularibus & externis conspicuus; ordo & prudentia vitæ civilis. Ad summum alta pax illa, quam populis toties diris bellorum laboribus exercitis stabilivit, otii dulcedo, largitio continua, omnes in ejus amorem atque venerationem traxere.

Sed heu! quam multa sunt, quæ tantum decus obfuscant!

Priuum est: quod de ornando potius regno, quam de formando cogitavit; totus fuit in divitiis congerendis, non tam utilitati, quam pompx; segnior illi cura de parandis militibus & urbibus munitissimis, de armis, commeatibus, fœderatis, de ipsa militari disciplina.

Alter quoque morbus *Salomonis* fuit: multæ & indigestæ scientiæ curiositas; tum ignorantia politicarum rerum; quod veras regni opes & firmamenta non satis nosset, cum Heramo Tyriorum regi multas urbes in suo concessit solo, quibus majora tentandi cupiditas, & invadendi occasio nasceretur.

Tertius *Salomonis* lapsus erat: mens incauta in alliciendis sibi familiaribus, & in hominibus discernendis. Unum nominamus Jeroboamum juvenem præclaris naturæ dotibus instructum, industrium, & nunquam cessantem, cui fiscum, cui se commisit. Is continua familiaritate expiscatus arcana regis, animi jam lapsi imbecillitatem & fœcordiam deprehendit; animadvertis simul Roboamum deliciis a pueris immersum (ex tot mulieribus heredem unicum, non sapientiæ imitatorem, & laudatorem operum, sed flagi-



positum, in quo per amoris assymbola mirifica illa Mediatoris, cum Sponsa Ecclesia, unio concinitur. Ab his antiqui testamenti celebratissimis viris jam in altum oculos convertamus, &

Iomo. Mulierem bene annosam, peploque tectam conficiamus, veterem nimirum Ecclesiam; cui una cum arca foederis, sicut & cum cæteris omnibus eo adpertinentibus, genii cortinam inducunt, & insinuant: Lega Moysè lata ideam Dei clariorem quidem humano generi datam fuisse, quam illa sit, quæ vel solo naturæ lumine obtineri potuit; nihilominus tamen perfectam, numeris omnibus absolutam, soli, veræ, unicæque Evangelii luci fuisse reservatam.

CONSPEC-

flagitorum, per quem jam tentata sub patre regni moles plane collapsa, aliis terrori, aliis exemplo fuit) imparem regnis fore; cœpit igitur agitare consilia regnandi, quæ *Salomonis* reverentia pressa, postquam e vivis excessit, in successorem erupere.

Quarta & maxima pernicies, ambitiosissima luxuria: nam mulieres extraneas contra Dei legem non tantum perditissime deperivit, sed & mille in gynecæo, portentosum numerum ad libidinem vel pompam habuit. Ab iis miserandum in modum dissipatus, non tantum idola *Salomon* permisit, sed & coluit illecebris & præstigiis infatuatus.

Quinta hæc calamitas! quod novandæ religionis exemplum edidit pestiferum regnantibus. Nam cum omnis mutatio legum antiquarum in regno sit timenda, etiam cum prodire putatur in melius, quia verti posse statum imperii docet & moveri, quæ fixa putabantur; tum certe exitialis est, cum divinæ leges negliguntur, & convelli incipiunt sacra tot fæculorum monumenta. Scinditur in diversum vulgus, aliis ad libidinem dominantis religionem componentibus, aliis ritus antiquos retinentibus. Inde odia & discordiæ, ac bellorum incendia, quæ vix crux millium & millium restinguuntur. Deinde quod aversos sequatur ultor a tergo Deus, destruatque eos, qui contra se abominandos cultus struxere, tot & tanta historiarum exempla nobis probavere.





CONSPECTUS XII.

Atypo igitur & figura, antiquo nempe Testamento, ad novum accedamus, & e diametro oppositam ad plagam fornicis meridionalem picturam consideremus oportet.

Hic

1^{mo}. Illa a Deo homine JESU Christo supra petram fundatam Ecclesiam, contra quam portæ inferi prævaluere poterunt nunquam, salvifico signo crucis, & calicis, salutis nostræ indiciis, tum demum libro aperto vietæ normam a Christo fundatore traditam ars videndam sistit.

Pone hanc

2^{do}. Ecclesiæ christianæ effigiem sicut angelus ille cum thuribulo supremi Numinis adorationem in spiritu & veritate suscipiendam, ita alter aureo vase provisus Genius, vas electionis Paulum indigitat, qui nomen JESU Christi annuntiavit terræ gentibus.

3^{tio}. Non poterat omnino Paulus meliori in luce collocari ab arte perito, quam cum scenam illam in celeberrimo totius Græciæ loco Athenis sibi effigiandam constituit. Hic ergo Paulus cum Philippis & Thessalonica pulsus Athenas venisset, in AREOPAGUM cc) tractus, orationem exorsus, repræsentatur ab ara inscripta (quæ isthic magnifice adornata videnta datur) IGNOTO DEO; quo collineant verba ipsa Pauli Actor. Apost. c. 17. v. 33. in libro infra jacente: *quod ergo ignorantes colitis, hoc ego annuncio vobis.*

4^{to}.

cc) *Areopagus*: Scimus enim, circa annum 2546 mundi constitutum Athenis judicium, quo celebratus & severius nullum orbis vidit; id (quoniam in hoc colle Mars judicatus erat) *Areopagus dictus*, templumque inædificatum, in quo causæ capitales dirimebantur tanta integritate, ut ne quis fucus fieret, hic neque exordiri, neque perorare licet oratoribus, sed nude & simpliciter causam explicare. Reddebat etiam jus in tenebris & de nocte, ne sordidus reorum cultus & squalor valeret ad intempestivam commiserationem.

In

4^{to}. Corona illa cujusvis nationis , ætatis & sexus hominum Paulo dicentiaures dantium , illi exhibentur ; a quibus Paulus dum annunciaisset Christum a mortuis excitatum , partim irrisus , partim ab aliis in aliam diem iterum audiendus projectus est ;

qui vero parte sinistra

5^{to}. Ab ara prospiciens , totusque in verba Pauli quasi demersus cernitur , DIONYSIUS dd) (Areopagita dictus) est , factus primus Athenienfum Episcopus .

Tum

In hoc porro federunt judices integratæ tantæ , ut eo ex omnibus partibus Graeciae & Asie causæ deferrentur , dignique haberentur , quibus postea summi momenti controversiae committerentur . Hæc originis gratia Areopagi dicta sunt ; nunc rem ipsam consideremus . Utrum autem sic inscripta fuerit , an ignotis Diis , ut alii malunt , non est opellæ hujus statuere .

Paulo nihil omnino fuisse sublimius , quis unquam negavit ? nihil hic moratur eloquentiam verborum fucis illitam , & vanissimo periodoru[m] ambitu tinnientem , sed grandem , præcelsam , & heroicis sensibus exaggeratam , qua ex parte illi nihil defuit , quem longe aliter , quam ille Periclem tonare , fulminare , & permiscere concionibus orbem terrarum dixisses . Vidiſſes ipsum , seu dum Romanis probasset latere in rebus creatis Deum , & patere ; seu , dum docuisset Corinthios : fidem grandibus factis constare , non verbis ; sive Galatas : minus sapere , dum nimis sapiunt ; vel cum laudasset Ephesios , ut eos laudabiles redderet ; dum amaret Philippenses : & amari noluit se , sed quem prædicaret Jesum ; dum Colossensibus fidem afferuerit , esse colossum immobilem ; victoriā dum ostenderet Thessalonicensibus , & hortatus , ut vincant ; dum fecisset Timotheum sibi similem , ut faceret filium ; seu dum *Paulus* vidit Titum , ut Titus sit *Paulus* ; aut , dum Philemoni commendaret Onesimum , & se commendavit ; seu denique dum Hæbreis probasset ex umbris veteris testamenti diem novi ; verbo : quibuscumque mixtum divini verbi semen sparsisset , si docuit , nihil illustrius , si dispunavit , nihil calore illius pugnantius ; si consolatur , nihil blandius ; si minatur , nihil imperiosius .

Ita Genealogistas Judæos confudit ; ab Epicureis ruborem expressit ; Stoicorum turbam contentioso fastu plenissimam , ad christianæ mansuetudinis disciplinam perduxit ; quem causam e catenis dicentem Praesides timuerunt , & ipsi ante reum palluerunt judices , reges , laceram ejus penulam , & vincula complexi , de regali majestatis sede ad christianam humilitatem sese abjecere ; quem supra humanam fortem , quasi de turbine , loquente Lycaones instar Numinis coluere . — —

Sed quis fine[m] laudum *Pauli* faciet ? quis inveniet ?

dd) Hic paciente Christo , visa heliopoli magna & supra ordinem naturæ obtenebratione exclamasse fertur , aut naturam everti , aut naturæ Deum pati ; seu ut alii malunt : aut



Tum vero

6^{mo}. Aliquantum inferius : fœmina confidens, verbo Pauli ad Christum conversa, DAMARIS est. ee)

7^{mo}. Infra aram hujus Areopagi templi in opere plastico Vestales virgines suum sacrificium obeentes repræsentantur, iisque significatur : Gentes a falsorum Deorum cultu & idololatria, prædicatione Pauli, ad veram Dei veri agnitionem pervenisse, quod duo illi admirabiles genii indicant.

A latere templi hujus sistuntur celeberrimi Ecclesiæ Catholicæ Patres & Doctores, qui apostolicam Christi doctrinam non modo scriptis suis defenderunt, declararunt, sed & plurimum promoverunt.

Et quidem

8^{vo}. GREGORIUS ab adolescentia philosophus, in pontificatu Ecclesiæ, quam sanctissimis institutis & legibus ornavit, Magni nomen promeritus, alia inter innumera istud mirabile effecit, quod Eutychium Patriarcham, qui adversus veram & tractabilem corporum resurrectionem scripsiterat, adeo convicerit, ut instantे morte pellem manibus tenens multis præsentibus diceret : *Confiteor, quia omnes in hac carne resurgemus.*

Tum vero

9^{no}. AMBROSIUS quasi nectare enutritus, tam suaves, tam argutas plerumque habens orationis delicias, ut apes, quæ infantuli cunas & os circumfederunt, credas in hujus labellis fessitare.

10^{mo}. AUGUSTINUS vero ad pugnam aptior, quam ad pompam, vehemens, acer, subtilis, non puerilis & verbosæ facundiæ, sed cœlestis eloquentiæ torrens, domum Dei facundis doctrinæ rivis exhilarans, adversariorum propugnacula proterens, demoliensque.

11^{mo}.

aut Deus naturæ patitur, aut mundi machina dissolvetur. Qui plura, & solida in hoc genere legere voluerit, historiam Astronomiæ Veidleri, cap. §. 3. Heilbronner, Riccioli Almagestum & alios consulat, in quibus satisfieri sibi videbit.

ee) Quam aliqui, si non plerique Dionysii uxorem faciunt.



11^{mo}. HIERONYMUS in omni genere summus artifex , quas stili dicitias habet ?
quæ lumina ? quos aculeos ? de quo dubites , doctusne magis , an elo-
quens sit appellandus ? in leonis labris sedet majestas , vis & impetus ,
salvianum stipant quasi satellites .

His adjuncti sunt :

12^{mo}. GREGORIUS NAZIANZENUS , qui cœlestis ingenii pennis subnixus , in
arcana mysteria theologiae penetravit , & quasi Deus fulminans tonavit
e machina ; acer & velox , tam gravis , quam etiam ubique sui similis ,
colendusque memoria .

Denique

His Ecclesie Christi luminibus adsunt sociati regni nostræ Bohemæ , & patriæ omnino charissimæ Patroni ac Indigetes , præcipui :

13^{mo}. Primus gentis Bohemæ Apostolus & in Christi doctrina Magister S. METHUDIUS , ^{f)} qui Bohemiæ inçolis fidem christianam tradendo , cha-
racteribusque novis repertis , vetusque & novum testamentum , pluraque
alia de græco , seu latino sermone slavonicam in linguam transferendo
plurimum profuit .

14^{to}. A fratre suo male germano trucidatus , primus vero pro Christo san-
guinem fundens , Regni Princeps ; fervidissimus religionis cultor , pro-
pagatorque S. WENCESLAUS

15^{to}. cum Avia sua Matre pauperum , orphanorum & viduarum consolatrice ,
fidei catholicæ in Regno Bohemæ antesignana S. LUDMILLA.

16^{to}. Visitur etiam humillime prociduus sœculi etiam nostri Thaumaturgus ,
sacramentalis figilli assertor , arcani fidem sanguine obsignans , S. JOAN-
NES NEPOMUCENUS .

Denique

17^{mo}. Cultus Eucharistici propagator & propugnator , Canonorum Præ-
monstratensium in diœcesi Laudunensi 1120 Fundator , vir verbo potens ,
quod vitæ sanctitate ac miraculis condiebat , in quo eloquentia , sanc-
titas

^{f)}) Cyrilus Coapostolus enim ad suum usque Romanum redditum Moravia nunquam egref-
sus est .



titas, prudentia contendebant, dignus qui duorum sanctorum Bernardi & Petri Cluniacensis calamo laudaretur, Archiepiscopus Magdeburgensis, laboris potius in hac dignitate, quam pompe sollicitus Bohemiæ Patronus S. NORBERTUS, cuius meritis & patrocinio illius sacrarum exuviarum custos, mons Sion gratissimus, tribuit misericordiæ Domini, quod non sit consumtus.

Et hi demonstrant, gg) a quo jam sæculis religio Christi in regno nostro fuerit acceptata, cultaque; quam suo sanguine, immo & vita tot tantique obfigillare non dubitarunt.

CONSPEC-

gg) Quia nempe, ut Cicero ait, de hominibus nulla gens est neque tam immansueta, neque tam ferrea, quæ etiam si ignoret, qualem Deum habere deceat, tamen habendum sciat; omnibusque innatum est & quasi insculptum: Dominos esse omnium rerum ac moderatores Deos, eapropter quæ gerantur, eorum geri ditione atque numine, eosque optime de hominum genere mereri; & qualis quisque sit, quid agat, quid in se admittat, qua mente, qua pietate colat religionem, intueri, piorum & impiorum habere rationem. De Legib.

Cum igitur primi terræ nostræ incolæ Bohemi, ut de his plures, iisque antiquissimi rerum patriæ scriptores consignavere, sacris se semper occuparunt, etiam tum idololatræ, ita etiam in vero Deo non modo cognoscendo, sed eo etiam adorando nec tergiversantes, nec postremi erant, verae fidei acceptatores, cultores religiosissimi, ejusque præceptorum executores fervidissimi. O utinam! his præprimis temporibus, Deo, Regi, Patriæque, fideles & immobiles Bohemi manerent, Bohemi essent! essent ad unum omnes.





CONSPECTUS XIII.

Jam oculus in centrum picturæ fornícis desigendus est.

I^{mo}. In æthere ibi circa diffusissimam lucem æternam Dei omnipotentis confidentem Sapientiam *h*) conspicias, quæ sceptro suo, ab æterno designatum

h) Revocanda nunc in mentem denuo illa Ægyptiorum populo tecta sapientia; nunc aræ omnes, Diis, ab omni retro ætate *cultus divini ac pietatis causa excitatae*; iterato virgines illæ romanæ perpetuum in ara sua ignem, amoris cordisque symbolum, servantes, atque hoc significare volentes: *Deum perpetuo colendum, amandumque esse*, considerandæ. Ipsa denique Pausanias ara, quam in atticis memorat, & de qua quot annis lampades accendebat ii, qui certatim ad metam decurrebant, nullusque victoria potiebatur aliis, nisi is, qui ardenter, cursuque suo velocissimo non extinctam præferebat, cum mille aliis nominetur.

Quid autem hæc omnia omnium retro ætatum signa, symbolaque sunt respectu æternæ Dei omnipotentis sapientiæ? Si enim in universi hujus infinitam amplitudinem, in vasta, quæ in immoderatis cœlorum regionibus tum micant, tum libere vagantur, volvunturque corpora, si in terrarum nostrarum orbem, in innumerabiles omnium rerum varietates, ordinem, conformatiōnem, multitudinem, fines & usus, quibus universaliter sibi subserviunt, animum serio injiciamus, intendamusque; profecto hisce oculis videbimus clarissime intueri, omnium causam & auctorem esse *Unum præstantissimum* mentis *Deum*, qui immensa prædictus potentia, adeo numerosa creavit corpora, qui supremæ rationis, ac consilii particeps infiniti ingenii sagacitatem, in tot rebus diversis inveniendis summam soleritatem, in perficiendis eminentem sapientiam, in iis convenientissimis ordinibus adstringendis manifesto demonstrat, seque continuo munificissimum conservatorem, prudentissimum gubernatorem omnium prudentem & cogitatem præbere pergit.

Nihilominus tamen admirati sunt cum Cicerone omni tempore alii innumeris: *quis tam vecors esse possit, qui cum suspexerit cœlum, Deos esse non sentiat?* & ea, que tantæ mente fiunt, ut vix quispiam arte ulla ordinem rerum atque vicissitudinem persequi possit, casu fieri putaret? cum firmissimum hoc adferri videatur semper, cur Deos esse crediderimus: *quod nempe nulla gens tam fera, nemo omnium tam fuerit immanis, cuius mentem non imbuerit Deorum opinio?* Quomodo tamen jam ab antiquissimis retro temporibus dari potuerint homines non omni ingenii acumine, & eruditione plane expertes, quibus tantæ animi angustiæ, tenebræque fuerunt, & num etiamnum potissimum esse possint, ut *Deum, mundi Architectum* non solum non inveniant, sed ausu sacrilego dari negent? mundum afferentes ab æterno, sine causa extitisse; quæcumque corpora etiamsi præclaræ opera,



natum creaturarum & rerum omnium moderatur ordinem, destinatum in finem dirigit, invitatque in sui communionem mortales, uti humanis viri-

opera, ex acervo atomorum, quæ concursionibus fortuitis cohærescebant, nulla moderante natura, nulla ratione coalusse.

Quod dum quibusdam ratiunculis cum Democrito, Leucippo, Epicuro, Lucretio & plurimis aliis ætate nostra novatoribus adstruere admituntur; una sacrorum, ceremoniarum, & religionis hostes apertissimi evadunt, & ad omnia, quæ sacra sunt, eventenda acheronta movent; quanquam hi *insipientes corde* Athei, demonstrata argutiarum & sophismatum vanitate ac imbecillitate, ab omnibus piis, probis & vere sapientibus risui & magno pro merito suo despœctui habeantur, quod tota nunc Europæ evigilans natio recentissimo comprobat exemplo, dum ad Deum sibi vi subtractum, ad Deum & hunc crucifixum imperterritre revertitur, eundemque ita confitetur denuo, ut non nisi a Deo *commoda, quibus utimur, lucem, qua fruimur, spiritum, quem ducimus, omnem denique felicitatis scaturiginem sibi dari & impertiri videant omnino clarissime.*

Turpissimorum errorum scaturigo, in quos pessimi ratiocinatores inciderunt alias, & nunc incident etiamnum aliosque levis & superficiariæ eruditionis socios secum in abyssum perversitatis abducunt, propullulavit, partim ex ignavia, qua adcuratum examen causæ rerum omnium instituere respuunt, partim ex superbia, quæ supra genus reliquum humanum sapere videri volunt; partim quod regulas bene folideque ratiocinandi ignorent, & dum adhuc discendum habent, jam alios docere velint.

Quodsi autem se & alia terrena explorando perpenderent, hominum neminem, belluam nullam, nullam in solo vegetantem plantam, nullum quod in exterioribus telluris stratis, seu interioribus ejus visceribus reperitur corpus inanimatum vel tantillum potestatis, qua se producere, componere, aut conservare possit, in se invenire aut complecti. Quomodo tellus, quæ memoratorum corporum est sola compages, ab æterno esse, aut se prægignere, præsentem formam induere, vel se in hunc usque diem conservare potuisset? quomodo a fortuito individuorum concursu artificiosissimum planetarum systema, & tam vastis discrepantium magnitudinum & densitatuum globis oriri potuit? unde tanta venit motus, mensura & concilium? quo cœperint iis intervallis a se removeri, in ellipticis orbitis circa solem cunctarum umbilicos occupantem, circumagi adeo, ut quadrata temporum periodorum, distantiarum a sole cubis proportionalia sunt, viribusque agitentur centralibus, quæ sint in ratione universa quadratorum distantiarum a centro, circa quod feruntur? Sicut autem geometricæ hæ propositiones æternæ sunt veritatis, nulliusque temeritatis insimulari queunt; ita omnino ea peritissimi opifices, etiamsi summa dexteritate, solertia arteque usi fuerint, non nisi ruditer in parvis imitari valuerunt, quomodo tot diversa organa in animalibus conspicua, in omnibus generibus sibi similia sponte originem capere, ordine locari, & in prole constantibus regulis vinciri sine consilio potuerint?

Hoc,

viribus incomprehensibilem , ita a solis veræ religionis , cujus signa exhibet Genius , lumine & exercitio consequibilem , æternam offerendo felicitatem & beatitudinem.

Hinc

Hoc , si in auxilium vocando combinationum & fortium doctrinam ex individuis mero casu fieri non posse facile demonstrent profundi mathematum Doctores ; necessarium est , ut excellens quædam natura detur , quæ intelligat , quæ præsit , quæ universum gubernet , quæ rebus terrenis consulat , quæ sola omnipotens , sola sit sempiterna , & omnium sapientissima fabricatrix .

Quemadmodum autem id multis sane modis , causa nobilissima facultatem dante , ab egregiis antiquis philosophis probari cœptum , ita in eodem pulvrey se exercere non desiverunt recentiores eruditi ; inter quos felicissimo demonstrationum successu imprimis numerantur : Rayus , Cheyneus , Nieuwentius , Derhamius , Bentleyus , Bonnetius , Clerkius , Lambertius , aliique bene multi ; quin immo agmina philosophorum , qui divino amore afflati , adversus Atheos insurrexerunt , eosque argumentis momenti omnino maximi oneraverunt , hic loci adduci possent , nisi vereremur , ne forte vel studio dati videamur , vel etiam limites nobis præscriptos transgredi timeremus . Hoc tamen omisisse vitio nulli dabitur : sicut enim illud pererudit viri in omni politiorum literarum genere versatissimi præstiterunt , ut nihil desideretur amplius ; ita execrandus hujus nostræ ætatis genius omittit nihil , ut & eorum memoriam usumque tollat , illisque alios , naturæ Authorem Deum ex corde & animo delentes , tanta vafritie & astu substituat veneno perversitatis plenissimos tractatulos , ut non prius pernicies observetur , nisi cum in succum & sanguinem conversa jam abiisset .

Ambitiosam rem semper fuisse humanum ingenium , nemo est , qui nesciat ; id enim scire ambit , quod nemo docuit ; id intelligere , quod nemo didicit ; querere aliquid ultra verum ; fingere aliquid ultra nihilum ; eo vult tendere , quo nemo pervenit ; viam facit , quam nemo transfivit ; & quieturum se ante negat , anteaquam infinitum assequatur ; spatiari ultra universum , excurrere ultra cœlos , evagari ultra vacuum , res illi exiguī momenti ; cum patere sibi videat in campum omnem naturam ; — parvi æstimat , quidquid finibus clauditur ; hæc siquidem captivitas illi esset , compedibus ita teneretur ; parvitas esset , esse finitum ; vel ideo nihil magnum habet , nisi quod opinione sua sit infinitum ; hos limites vult esse suos , carere videlicet limitibus ; inquietum propterea vivit , quia infinitum non attingere modo , quin comprehendere se putat , scilicet primi generis humani patris ad exemplum , qui cum orbem terrarum in dominium , paradisum voluptatis in domicilium , & delicias omnes præsto habuisset in cibum , pauperem se putavit , si arbore una careret ; famem creditit , si pomi unius edendi potestas decesset . Ita humani ingenii est constitutio , ut neglecta doctrina sola salutari ignorantiam & deliria putet , si modo sapientiam & providentiam Dei unius admittat , mavult recentiorum nixa philosophandi consuetudine affirmare , quod non intelligit ; negare , quod nescit ; fingere ut neget ; res implicitas affirmare , quas non intelligit ; proponere argumenta , quæ non capit ; & ne vincatur , novas singit difficultates ;



Hinc ii)

2^{do}. Sub divinæ Sapientiæ throno eas virtutes locatas reperies , quarum
adminiculis illi appropinquare liceat :
uti sunt :

3^{to}. Discendi studium , absque quo humanus intellectus , neque vere sapere
possit , neque voluntas digne operari , quin immo & ille cœcutiet , aber-
rabitque & ista operando deficiet .

4^{to}.

tates ; vincitur tamen , cum solvere non potest . Similis farinæ homines , quorum nu-
merus in omnibus terræ ævi nostri regionibus diebus fere singulis incrementa sumit ,
non alio modo minui poterit , nisi ii , qui solidioribus assueti studiis , veram sapientiam
suis conatibus omnino promoverint , & omnes versute positos in republica qualibet ma-
levolentium cuniculos everterint , dissipaverintque .

ii) Digressionis præmissæ occasionem , piæturæ hujus ergo , arripuimus , authoresque esse co-
natur iis omnibus , ut quicunque humanitatem nondum omnem exuerunt , aut scintil-
lam veræ sapientiæ in animis adhuc latitatem sentiunt , hi iis potissimum virtutibus
adquirendis studeant , quas signis & symbolis Maulbertschius noster circa effusissimam
divinæ sapientiæ lucem suo penicillo adumbravit .

Et vero cum secundum Tullium de nat. Deor. homines simus ex terra , non ut
incolæ & habitatores , sed quasi spectatores supernarum rerum , atque cœlestium , qua-
rum spectaculum ad nullum aliud genus animantium pertinet , sensus autem interpre-
tes ac nuntii rerum in capite , tanquam in arce mirifice ad usus necessarios & facti &
collocati sint ; cum natura cætera animantia abjecisset ad pastum , nos vero solos erexit ,
& ad cœli , quasi cognitionis domiciliique pristini conspectum excitavit , tum speciem
ita formavit oris , ut in ea penitus reconditos mores effingeret , profecto dispicere &
sentire necessum est nobis , quid simus , & in quo ab animantibus cæteris differamus ,
ut ea insequi incipiamus , ad quæ nati sumus . *De finib.* Et quidem

Cum tantus sit innatus nobis cognitionis amor , & scientiæ , ut nemo dubitare
possit , quin ad eas res hominum natura , et si etiam nullo emolumento invitata , rapia-
tur ; videamusque , quod pueri ne verberibus quidem a contemplandis rebus , perqui-
rendisque deterreantur , aut pulsæ requirant , & aliquid se scire gaudeant , ut aliis nar-
rare gestiant ; quanto magis qui ingenuis studiis atque artibus delectantur , ut ne va-
letudinis , nec rei familiaris habeant rationem , omniaque perpeti ipsa cognitione &
scientia captos , & cum maximis curis & cum laboribus compensare eam , quam ex
discendi studio capiant voluptatem , *quia suavitate scientiæ nihil est homini jucundius* . Eam
ergo primum exquirere , quæ vera & solida est , & nos ad finem præstitutum ducat
secure , nobis familiarem reddere oportet ; & si quod optimum , maximumque est , id
volumus adipisci , virtutibus opera danda est , sine quibus nullam rem expetendam
consequi possumus . *Cic. pro Lel.*



4^{to}. Ad omnia utilis pietas , kk) sacrificium & charitas ; quin &

5^{to}. Obedientia ll) media consequendæ veræ felicitatis proxima.

6^{to}. Adolescens ille chordarum diversarum tonos ad genuinam harmoniam studiosius componens tolerantia mm) sit symbolum , oppositum contradicendi perperam , contemnendi alios , in rixas proruendi animo tam scientiarum infensissimo hosti , quam societatis civicæ perturbatori pernicioſiſſimo.

7^{mo}.

kk) Pietas enim basis firma est , cui imperii & vitæ privatæ simulacrum insitit , quam constituit 1^{mo}. Cultus erga Deum , cujus partes sunt : amor Dei , timor & honor testatus , fide & charitate , ac officiis justitiae christianæ . 2^{do}. Grati animi significatio erga Deum . 3^{to}. Zelus verus propagandæ religionis christianæ . 4^{to}. Preces , supplicaciones , adorationes religiosæ cum frequentia , constantia , perseverantia , fervore & ardore , mente pura , cogitatione sincera ; & quod in paucis est , immaculata conscientia ; ut nec sit sanctior ara vestalis , nec Pontificis cubile castius , nec pulvinar flaminis tam pudicum !

ll) Imperare siquidem & parere imperio est ars omnium pulcherrima , quæ duæ res a ci- vibus excludunt seditiones , tuentur concordiam . Qui enim legibus & magistratibus nescit obsequi , nunquam gerendis magistratibus idoneus erit ; magistratibus autem opus est , sine quorum prudentia ac diligentia civitas esse non potest , quorum descriptione omnis reipublicæ moderatio continetur , neque iis solum praescribendus est imperandi , sed & civibus obtemperandi modus ; nam & qui bene imperat , paruerit aliquando necesse est ; & qui modeste paret , videtur , qui aliquando imperet , dignus esse . Cicero de legib.

mm) Commonet quasi eos omnes ; qui buccis continuo plenis ad ravim usque declamant prædicantque tolerantia virtutem ; ipsi interim intolerantissimi & discordiarum tam in sacris , quam profanis incentores & disseminatores præcipui ; nisi enim eorum sceleribus & injustissimo agendi modo , panegyrim dicamus , hostes aperti declaramus , & omni ultionis , vindictæque generi exponimus ; quis enim magis frontis est imperteritus ? quis famæ bonoque nominis , & rerum temporalium felici successui inimicitor ? quis viorum recto corde , & solida virtute præstantium acerbior est persecutor , ac ii , qui dum probitatem suam continuo deblaterant ? Sufficiat nihilominus nos effigie hæc veram tolerantia virtutem ad Christi exemplum , ejusque sanctæ Ecclesiæ indicare voluisse , complectique .



7^{mo}. *In specioso juvēne nn) quem æternæ vitæ, fini suo appropiantem rutilante in vertice flamma conspicuus sublevat, dēducit, & divinæ sapientiæ sīst̄t religionis Genius, quemque tenebrarum retrahere conatur angelus, tristissimam effigiare voluit Maulbertschius metamorphosim: quam facile, & quam persp̄e homo, utut sublimioribus instrūctus scientiis, virtutibus alias conspicuus, dum veræ sapientiæ jamjam appropinquare videtur, a mundi illecebris illectus, a passionum turbine abreptus, in cœnum vitiorum misere proruat.*

8^{vo}. Viæ lubricæ arripiendæ indicia e cornucopiæ genii *sagittæ, larvæ, pōcula, aliaque innumera* abunde demonstrant, ad quæ allificant.

9^{no}. Quid aliud fulmine prostrati in abyssum Gigantes significant, quam hominum illos, qui omnia, quæ religionis sunt, exuentes, vitiis pravisque animi & corporis affectionibus se dediderunt, sibique ruinas cum interitu ipsi struxerunt? Quorum numerus licet omnibus retro saeculis non exiguis fuerit semper; nostris tamen temporibus præprimis est omnino nimium auctus; quorum omnia eo tendunt conamina, omnis impeditur ingenii vis, & acumen, ut cæteros virtutis adhuc, veræ sapientiæ studiosos, religionis asseclas in eundem secum infelicitatis præcipitent barathrum.

Quod utique etiam agendo & persuadendo consequerentur, nisi providentia & sapientia Dei infinita hominibus ipsis præsto opem & auxilium subministraret, constantioresque petra intra maris turbulentis fluctus redderet.

Ac omnino, humano more si loqui velimus, fatendum est, justissimam nobis timendi causam fuisse, ne immanes illi publicæ securitatis hostes, cum insidiosis suis persuadendi illecebris, tum vaferima agendi nequitia finem suum aliquando in maximum humanitatis detrimentum consequerentur. Verum, quam cæca hominum judicia! tam abstrusa & recondita sunt divinæ sapientiæ consilia! Illo ipso tempore, cum securitas publica, quies, ipsaque facerrima Religio sumnum in discriben adducta cunctis vide-

nn) Genius hic a Maulbertchio depictus solius veræ & æternæ veritatis inquirendæ homini melius sapere volenti viam rectam, quam teneat, ostendit; ne vero ullis unquam perversæ philosophiæ machinationibus aut insidiis a veris, sanis christianæ philosophiæ principiis se sinat abducere, foveat & sustentat.

❧

videretur, neque auxilium aliquid, hostium fraudibus resistendi, satis firmum, validumque appareret, hoc, inquam, tempore Numinis Divini providentia, quæ cuncta ad finem suum suaviter fortiterque dirigit, vim suam ita cœpit patefacere, ut impudentiæ hostium nostrorum indomitæ illud aptissime possimus ingerere, quo Tullius quondam salutem patriæ suæ, subito, ac inexpectato modo recuperatam, eidem Providentiæ luculenter adscripsit: *Nec vero quisquam, ait, aliter arbitrari potest, nisi qui nullam vim cœlestem existimat, Numenque divinum: quem neque imperii vestri magnitudo, neque sol ille, nec cœli signorumque motus, nec vicissitudines rerum, atque ordines movent.* — — *Est, est profecto illa vis: neque in his corporibus, atque in hac imbecillitate nostra inest quiddam, quod vigeat & sentiat, & non inest in hoc tanto naturæ tam præclaro motu. Nisi forte idcirco esse non putant, quia non appetet, nec cernitur, perinde quasi nostram ipsam mentem, qua sapimus, qua providemus, qua hæc ipsa agimus, ac dicimus, videre aut plane, qualis aut ubi sit, sentire possimus.* *)

Hæc, hæc profecto illa vis est, quæ in hac late grasseante tempestate, quæ tot jam annos universam pene Europam concutit, hac temporum nostrorum labe, hoc tristissimo honestatis excidio, insitam gloriosissimæ domui Austriacæ fortitudinem, & constantiam adeo non passa est debilitari, ut, quod fere inauditum est, per damna, per cœdes, ab ipso ferro duxisse vires suas & augmentum videatur. Hæc Ducibus Ejus eam prudentiam, sagacitatem, animumque inspiravit, ut rapidissimo huic torrenti obvia quæque horribili cum fragore, inauditaque vastitate secum rapienti aggeres possent validissimos opponere. Hæc fortissimis Ejusdem bellatoribus id robur, eos animos addidit, queis excitati, monstri hujus, sanguine humani pasti, ac omnem ordinem, omnem quietem, omnem securitatem, religionemque omnem funditus evertere cupientis insultibus intrepida fronte occurserent, omnesque ejus furiosos impetus maximo animo retardarent.

Quis, hæc legens, audiensve, adeo sensus humani sit expers, ut incredibilem, deplorando hoc rerum statu, FRANCISCI Patris Patriæ Clementissimi, constantiam non admiretur? Quis tam iniquus rerum æsti-

*) Cic. orat. pro Mil.



æstimator, ut Ejus plus quam paternam sollicitudinem, curas, atque labores, quibus paci & securitati, Imperio Germanico procurandæ, tanto jam temporis spatio, constanter intendit, non agnoscat, cum ne proprio quidem parcens sanguini, CAROLUM fratrem suum unice dilectum, præfenti exponere periculo, atque ante ipsam fortissimorum saorum militum aciem collocare non dubitarit?

Quo quidem sapientissimo ac plane divinam quandam Ejus in populum suum charitatem spirante, consilio, quam bene instaurandæ quieti publicæ, possessionum securitati promovendæ, religionisque sacrae a sacrilegis hostium violationibus immuni præstandæ, consultum voluerit, exitus nos, stupore defixos, attonitosque docuit sane quam luculentissime; quoniam quidem, quod patria nostra charissima periculo, quod omnium cervicibus imminere jam jam videbatur, tam subito & mirando plane modo erepta est; quod latronum istorum humani felicitatem generis perdere conjuratorum ludibria non senserit; quod nec sacerdotes ante suas aras immanissime trucidatos, nec exultantem in regni visceribus funesto latrocinio impietatem atque audaciam, nec horribilem illam quam in suosmet cives parricidarum immanitatem exercuerant, in Bohemos exercitam non conspexerat, secundum Deum CAROLI Belliducis dicam, an servatoris nostri pietati, sapientiæ, fortitudinique, omnibus omnino laudibus ac præconiis majori referimus in acceptis.

Ille enimvero, Ille cœlesti auxilio robatus, cum vix finibus Bohemiæ metu futurorum suspensa ac conterritæ adpropinquasset, non aliter ac si vis quædam Numinis vigore insolito omnium pectora occupasset, irruentem patriæ nostræ pestem, atque spe jam regnum hoc devorantem barbariem compressit; Ille flamمام atque ferrum, ille cædem, incendia, rapinas, libidinem, a Bohemorum vita, lectis, fortunis, corporibus arrexit; Ille a templis sacrilegia, ab oppidis direptionem, ab agris vastitatem depulit quam longissime.

Nempe miramur in CAROLO eum Principem ac Belliducem, qui senili quoddam usu, sapientia prudentiaque juvenilem ætatem suam prætergressus est. Cui quidem ætati quam incaute ac temere hostes illusserint, tum grandi suo malo experti sunt, quin tanto cum terrore ac consternatione trans Rhenum, toties sibi fatalem, in latibula suarum munitionum rejecti sunt, ut illæ ipse, per quas non tam passibus, quam latro-



latrociniis, ad nos usque penetrarunt, vastissimæ regiones angustæ eis esse ad fugam viderentur. Novit scilicet Princeps Serenissimus hac sua incredibili sapientia suorum militum animos, occultis quasi vinculis sic devincire, ut exercitus, vastum illud corpus, una quasi regi anima, uno quasi inflammari desiderio videretur, CAROLO non aliter, ac Patri filiorum plane pietate obsequendi. Familiam dices quandam cum patre egressam, ad vim fortunis paternis intentatam, conjunctis viribus repellendam. Nec mirum: quibusdam enim Illius adhortantis illecebris, quas saepe sentias melius, quam explices, atque hac mentis firma incitantur persuasione: a cœlesti providentia CAROLO id gloriæ esse reservatum, ut a finibus procul nostris, ad ipsorum usque speluncas, omnis crudelitatis impressas vestigiis, Neofrancos repelleret, quos non fœderum religio, non jus gentium, non jurisjurandi sanctitas continet; sed illud summum jus esse putant, quod sua immanitas, libido indomita, efferaque tot in auditis facinoribus natura unicuique persuaserit. Hinc ille ardor, hinc illa incredibilis bellatorum Ejus extitit patientia, qua rigidissimo hyemis tempore, quo etiam feræ ob vim frigoris latibulis se tegunt, e cavernis illis munitionum, in quas se post fugam illam turpissimam conjecterant, hostes suos exturbarunt, illudque tandem propugnaculum, ex quo ob suppetitias a vicino illo altero facile sperandas furentis belli fragores securi hostes despiciebant, tanta animi excelsitate, & constantia adgressi feliciterque potiti sunt, ut iidem hostes, hoc insolito facinore attoniti Principem nostrum Serenissimum, quo ubique præsente, ubique Duce operis, ubique hortatore, laudatore ac socio, omnia gesta sunt, noscere cipientes ad eum usque sese penetrarint, virtuteque Illius commoti in aplausus & præconia senilis Ejus prudentiæ effunderentur, qui prius vim Ejus nondum experti, juvenili ætati illudere non erubuere.

Quam illustre ad propagandam CAROLI Principis gloriam, quam splendidum ac insigne isthoc inimicorum testimonium! Non est gravior nervosiorque virtutis commendatio, quam quæ ex ore ipsorum hostium proficiuntur, cuius cum semper, tum ipsis præcipue temporibus in natura veleti positum est, triumphantis gloriam allatratre, obscurare.

Atque hæc imperterita animi constantia, hæc non interrupta bona cause defensio, non aliis, quam iis propria est principibus, qui hanc maximi veritatem momenti jam inde a teneris usque unguiculis alto imbibere



bibere constituerint animo : Princeps Dei fœderatos & vicarios quosdam esse in ejus auctoritate & dignitate propugnanda : eosdem quasi tutores curandis populorum bonis, in quibus religio facile principatum obtinet, divinitus institutos. Variis easibus pendere hominum singulorum : at ex una religione apta esse regnorum fata ; se regnum a Deo accepisse, quod Deo fervandum esset ; neque satis tuto ibi regnare posse, ubi fides vera, pietasque serviret. Regna mortalium non esse aliud, nisi æterni & immortalis illius regni, quod in homines Deus exercet, expressas quasdam imagines ; quemadmodum igitur Deus ipse, dum orbem terrarum administrat, hoc sequitur, ac spectat unum, ut colatur ab hominibus, & qualis quantusque est, agnoscat : sic regnorum hanc esse summam, hanc regnantum metam esse debere, ut honori Numinis amplificando, promovendo cultui, hoc est, religioni excolendæ, omnibus omnium modis inserviant. Quod ubi Princeps præstiterit naviter, tum Dei quoque ipsius interesse, ut ejus tueatur opes, dignitatem augeat, quippe cum sua ipsius dignitate gloriaque conjunctam.

Dicam hic, quam fideliter & examissim hoc summi ponderis officium FRANCISCUS II. dignissimum hoc imperii germanici caput, impleat & observet ? Verum quid aliud, quam rem unicuique subditorum exploratissimam recensere videar, qui propriis eam usurpant oculis, publicis percipiunt, discuntque ex literis, privatisque in congressibus hanc sibi loquendi eligunt materiam, Regem nostrum Augustissimum tanta firmitate, animique inductione huic ab omni gente, omni sæculorum tempore, agnitæ veritati adhærere, ut in bello hoc difficillimo, ac nulli eorum, quæ scriptores posteriorum memorie consignarunt, comparando, et si eorum ipsorum, quorum maxime intererat, salutem publicam coniunctis viribus defendere, vacillaret constantia, sociorum mutaretur voluntas, amicorum ardor languesceret, tamen non, quid hæc mutata rerum facies, sed quid a Deo impositum sibi munus exposcat, attendens, suis copiis immannissimo ac deterrimo hosti usquequaque resistere, a subditorum fortunis, vita, ac religione cœcum ejus impetum & furorem prohibere, atque ut securitas, pax, tranquillitasque ubique tandem restituatur, constantissime adlaborare perseveret.

Tanti



Tanti est, veritatem hanc de summorum Principum officio, cordi
firmiter, alteque impressisse! Quod

10^{mo}. Heliotropii symbolo virtute & columna *Fortitudinis* indigitat peni-
cillus.

Nihil jam supereft, quam

11^{mo}. ut fœminam illam meditabundam meditatius contempleremus, quæ matrem
omnium bonarum artium, & inventum Deorum, Platone scribente, philo-
sophiam veram & sanam, fata hominum omnia volventem, notantemque
præsentat. Hæc enim, si sana est, nos lumine verificæ fidei illustratos
ad Dei, religionisque cultum, tum ad modestiam magnitudinemque animi
erudit; eadem ab animo, tanquam ab oculis, caliginem dispellit, ut om-
nia supera, infera, prima, ultima, media videremus. 1. *Tuscul.*

Hæc medetur animis, solicitudines detrahit, cupiditatibus liberat,
pellit timores. 2. *Tuscul.*

Hæc veræ innixa religioni radicem omnium malorum, si audias &
sequaris eam, stirpitus extrahit.

Huic ergo nos demus excolendos, patiamur sanari ab ea, si boni
deinceps & beati esse volumus; omnia adjumenta & auxilia bene ac beate
vivendi ab ea repetamus, donec continuo de virtute in virtutem pro-
gressu per cognitionem ejus. qui vocavit nos propria gloria & virtute —
fugientes ejus, quæ in mundo est, concupiscentiæ corruptionem — — effi-
ciamur divinæ consortes naturæ. Petri 2. cap. I.



At in portu sumus! opus hoc magnificentum descripsimus, & ex histo-
ria illustravimus profana quam sacra. Itane abituri? quin Ei, cui in ac-
ceptis totum referimus nos, & posteritas refert gratissima — elogium
scribamus? nolis etiam Abbas Reverendissime! filiis tamen tuis concedas
aliquid, necessum est: facile enim genus elogii tenemus, dum orator
Tui tacitus es:



Hinc mola dum panes licet urat Sirius agros
WENCESLAE tuis irrequieta parat.


Hinc dum theca patet librorum splendida mentis
Esuriem dapibus tollere prompta suis.

Ad Jesu exemplum mentem corpusque foventis
Te quoque Pastorem quis neget esse bonum !

Nihil addimus — nisi, ut Deus Optimus Maximus, quo adjuvante, memo-
riam Tui, Patriæ, reipublicæ literariæ & Canoniciæ Sioneæ reliquisti im-
mortalem, Te nobis, patriæ & rei literariæ servet in columem diu !

Dabamus in monte Sion
Calendis Septembbris, 1796.

*Fili Tui
reverentissimi Canonici
Sionei.*



BIBLIOTHECA
UNIVERSITATIS
CRACOVENSIS

